





卷之七

侯方域

魏禧

魏禮

朱彝尊

薛信辰

羅承祚

白夢鼎

方殿元

劉逢源

劉佑

何林

令楫

張玉裁

張玉書

楊岱

徵

高士奇

顏光敏

越珥

曾

彭焱

高以位

俞森

王穀

畢際有

朱鳳台

程謙

孫繼登

周金然

于信

潘耒

及丹生

潘廷章

方中德

宋思玉

曾餘周

張秀璧

吳非

吳孟堅

劉漢系



方中通

王體健

王履同

林九棘

佟世思

李聖芝

韓魏

夏九敘

饒肩

范國祿

徐無為

孫宗元

湯彭年

徐善

李良年

徐弘炯

席居中

李杰

吳閻啓

范遇

方熊

方兆璋

徐元夢

博爾都

湯右曾

戴文柱

羅敦善

方挺

詩觀七卷目錄終

詩觀二集卷之七

東吳鄧漢儀舊山評選  
同學費密此度參閱

侯方域

朝宗河南商丘人  
四憶堂詩集

詠懷

種穀城西村夜出村西道聚落生炊烟塲稼互收保明月照

如古謠

大荒零露寒宿草啾啾雙黃鵠化為白頭老似言慶曆間涕

淚洒清昊戰伐三十年常思太平好

羗本名家子雅志好詩書傑材傲棟梁美器重璠璣秦皇尚

武畧鄉相皆吏胥兩生相竊議坑者四百餘儒冠若蔽帝瓠

落為散樗赴赴少年兒紛紛乘高車生無猿臂姿起視但歛



獻

二首全  
學阮公

晚登君山大風

返照登君山下視江千里大風捲潮來衝波波立起日淡  
○何○等○襟○情○天○風○浩○蕩○  
眼紅水深龍宮紫有客吹錢笛一聲玄雲駛再吹老魅愁三  
吹新鬼喜庶幾戰死魂叫出沈江底  
數語能使鬼神泣蛟龍舞

陽羨歌答陳生

其年也

陽羨烟雲如青霽其中舊有湖海客自言高卧三十年不肯  
下樓問今昔君不見北海才名當盛時區區禰衡真小兒正  
使鸚鵡解人語焉知元龍是我師曾登銅雀臺十里柳花似  
雪芙蓉紫漳水東流鄴宮盡人生變態亦如此黃塵不到高  
樓中中原回首起悲風我穿麻屨再一至衰顏羞映珠槽紅

○豪○氣○准○情○噴○薄○紙○上○  
四座狂呼一斗酒更脫皂帽為君舞當今惟有孟公家投轄  
留賓出館娃頽然那遽短豪氣峯頭仰視星河斜君不見大  
梁侯生遊吳越霜吹兩鬢侵馬骨人生相見如參商細記壬  
辰冬十月  
其亦處極不得意之時遇極得意之人故其詩舒放如此

鸚鵡啄金杯歌

鸚鵡啄金杯有二其下皆注成化字兩赤鸚鵡栖碧梧兩小  
青雀交睛視天子好尚動鬼神土泥變化為金翠更有櫻桃  
雙八顆細如粟粒迎風墜是名四妃十六子又為太平雙喜  
事當年憲皇闕前星貴妃持之獻祥瑞大明遺事有如斯不  
同人間金玉器此杯今藏吳氏家傳聞神物頗為累孝廉死  
後歸他人陳生感舊一下淚命酒飲我請為歌浩歌未終發



○此○是○正○論○  
長○喟○勸○君○莫○飲○鸚○鵡○杯○非○人○非○時○亦○非○地○灞○陵○遺○老○嘗○吞○磬  
○忍○讀○開○元○西○狩○記  
少陵之郤織成褥段惜福也侯生之  
戒飲鸚鵡杯感舊也俱是有關係詩

○西山雜詩

定○是○魚○公○寺○清○虛○勝○外○幽○隨○人○來○佛○界○任○意○與○山○遊○夜○色○石  
○羊○動○松○聲○颯○鼠○秋○勞○生○安○有○定○對○此○欲○遲○留  
○聽○水○石○橋○下○應○知○洗○耳○勞○太○平○通○御○逕○曲○沼○合○織○毫○古○洞○松  
○杉○落○寒○龍○日○夜○號○千○巖○開○瀑○布○雲○氣○欲○飛○濤  
全從少陵秦州詩脫化而

除夜

何○事○年○垂○暮○深○慙○髮○欲○霜○遭○逢○諳○簡○畧○祖○考○恕○狎○狂○野○賽○兒  
童○鼓○田○歌○莩○麥○觴○因○風○俱○入○耳○隔○歲○是○春○光  
○深○語○  
狎狂惟祖考能恕又不可

不知

寂○寂○驚○除○夜○椒○花○逼○眼○明○酬○恩○當○獻○歲○頌○聖○已○躬○耕○老○計○耽  
兒○女○同○群○託○友○生○不○知○春○朔○後○何○以○謝○柴○荆  
○名○卓○  
頌聖已躬耕非少陵不能

荒原

舊○國○龍○興○地○荒○原○秋○復○春○廢○宮○交○鼠○跡○深○夜○出○蛇○神○禾○黍○關  
山○淚○衣○冠○戰○伐○塵○普○天○覘○王○氣○固○矣○採○薇○人  
末二句何其深厚蘊藉

中秋

明○月○中○秋○夜○清○光○客○恨○俱○不○煩○窺○綺○席○好○為○徹○邊○隅○礎○杵○衣  
裳○隔○關○河○戎○馬○迂○漁○陽○年○少○子○安○穩○讓○山○臞  
此詩可稱日厚

寄李舍人雯



金陵門外昔同遊。歸去衰遲有故丘。六季春城喧野雀。三山雲氣黯江樓。寄○章○知○已非關懶張翰。思鄉不為秋。最是月明照顏色。平蕪烟雨使人愁。舍人心事此詩妙能傳寫

春興

河源星宿自崑崙。春漲桃花夾岸渾。龍虯難馴歸故道。犀牛何事刻新痕。子來䟽鑿關輪輓。國計耕桑重本根。願使三農更四載。力驅洪水莫東奔。河患至今未已也如何如何新霑雨露足。深春麟閣丹青自有人。碧酒凝寒濃似酪。宮衣勝體白如銀。蒼生問渡饒舟楫。赤帝揮蛟佐羽鱗。黃綺由來無壯畧。商於枉却避徵輪。持議極平

隋堤

隋家天子綠楊堤。萬古春風野鳥啼。幾處吹簫雲漠漠。經時拾翠草萋萋。龍舟想像牙檣入。綵袖虛無簇仗齊。寂寞宋城南向望。酒旗寥落獨支藜。字字蒼老而秀氣自溢

送顧副使初入楚

舊京西去楚江東。萬里長遊感慨中。古月還窺神女廟。孤舟直破大王風。浮沉漢祚終劉表。伯仲周郎是呂蒙。回首故人勞望眼。莫遲佳信負春鴻。氣格近滄溟而沈雄處又兼北地之能

平望

平望臨河市。估帆落照斜。取魚纏一寸。晒網幾千家。可補竹板

弔戰場

祁連山下草寂寞。少人烟。魂魄千年後。還思渡酒泉。英○氣○如○生



遊吳遇李較書較書舊出楚宮

回首江城隔碧霄兩行雲雨楚王朝武昌新柳今何在夢裏

猶聞說舞腰風流悽楚

朝宗所製壯悔堂文集雄視一時獨其詩世罕推之要其濶思壯采皆規模杜家而出者但未免陰襲華亭之聲貌故予選朝宗詩必取其濶而能穩壯而入細者以與世共見之

從征行

傳有山縣寇竊發何縱橫將軍下兵符點兵聲向東山賊聞兵來竄走無遺蹤兵賊之害如此百姓聞兵來行住兩怔忡擊鼓集里社頭會課所供後施未出郊前旗已先臨叶騎士挾鏃矢步卒橫長鏃呵云此近賊焉得不相通遂使繫子女搜牢何從容斷

木取犁鏃橐米碎瓦甕背負生蔬肩鷓鴣鳴籠中蕭蕭班馬

聲悠悠白旆風古甚

叙事悉而遣調蒼篇終猶餘哽咽

金精行

逕口田民女張麗英好道年十五喬發奇光常以梳扇為鏡遂入金精山長沙王吳芮征閩粵還經此地聞而聘焉女使謂芮曰山有石室上通洞天若能穿之當相見也芮果使兵人以鏃鑿鑿穿之女方梳髮石上歎曰吾金星之精降治此山豈與人世事乎攬髮徘徊作石鼓之歌歌畢紫雲鬱起遂登天而去

長沙鏃甲屯逕口素帶花旌動楊柳玉驄斜駕七香車路上

行人盡回首麗英家住此村落不愛鴛鴦愛猿雀石苔為髮

蘿為裳日采松枝煮丹藥烏飛月落洞門開平明車馬爭入

來冉冉披髮出峯頂三軍悵立百花臺臺上日日雲波屬臺

下年年春草綠風雨夜深山洞冥鏃鑿餘聲出空谷奇麗不減

李長吉而朗秀過之



魏禮季子和公江西寧都人

余生生諸子寓樓偶集

天涯同作客聊此一傾卮若不永今夕將無悵後時高樓海  
○得○妙○氣煖遠戍鼓聲悲羨得尊前句深慚幼婦辭○作○意○

上元夜友人見過分韻

他鄉爲令節花信早知春靜夜來高士深燈存故人剝柑耽  
○自○然○高○雅○味好對酒愛情真卻憶明朝別居然海外身

燕邸偶作

遠望當歸去還登何處樓連陰只似夢見月始多愁饑鳥寒  
仍出浮雲暮欲收看看燈火夜門掩一庭秋蕭然遠懷

西行道上

下士何爲者驅車廬鳳鄉輟耕誰隴上浪跡去咸陽天地居  
然大山川只自長風吹荒草合落日滿牛羊○深○厚○

河南紆道至再渡及關門雨打韓王國烏啼張相墳白楊風  
自戰古廟日多昏秦楚讐皆報何妨廢作村○風○然○  
讀史有識故筆多英岸

馬蹄生白日人影過橫塘彷彿宵征處棲遲夜色荒風林飛  
宿鳥露草咽寒螿西隴聞鸚鵡誰來問上皇一結自爾不凡

朱葵尊錫鬯浙江嘉興人竹垞詩畧

同宋使君琬游雲門山

頻年客會稽愛茲山水幽咫尺雲門寺經旬不出遊朝霞開  
霽色喜見風雨收使君高興發要我登輕舟輕舟出遙汀人  
語蒼清泠流連石帆下遂至樵風涇北船吹以南南船吹以



北欲問仙人。居迢迢。不可得。仙人張射侯。乃在雲中。弋一鶴。  
 西飛來。拾矢清谿。側鶴飛。猶在沙回流。汎若耶。可憐誰家女。  
 顏色如荷花。新粧映碧水。一笑浣溪紗。如雲匪我思。但弄耶。  
 溪月。裊裊綠蘿烟。照見清暉發。際曉衝薄寒。更衣度林樾。鬱  
 金蘭陵酒。酌以鷓鴣杯。一飲動一石。不覺玉山頽。扶我上馬  
 行。有似乘船迴。便蠟阮孚屐。來登任公臺。昔賢多奇懷。眷此  
 滄洲釣。至今臺下泉。清風滿雲嶠。蕭蕭翠竹陰。隱隱哀猿嘯。  
 猿嘯溪風生。動影搖空明。時從翠微半。一聽鐘鼓鳴。鐘聲來  
 何遲。及此夕陽時。山尋子敬宅。塔訪辯才基。明當凌絕頂。更  
 讀秦皇碑。  
無窮路。逕以妙筆婉麗寫之。但覺青翠滿眼。

雨中陳三島過借飲酒樓兼示徐晟

吳門十日風雨惡。決明花開忽復落。游人登高愁未已。客子  
 入門慘不樂。陳生踈放良可喜。雨中過我臨頓里。却話平生  
 同調人。吹篴擊筑皆知已。皋橋橋西多酒樓。妖姬十五樓上  
 頭。百錢一斗飲未足。半醉典我青羔裘。坐中臨觴忽不語。南  
 州孺子高陽侶。同是東西南北人。明朝酒盡歸何處。  
風神秀令

疑見過江人物

蘭亭行贈朱大士曾

右軍三十三。修禊蘭亭中。一書蘭亭序。天矯宛若天門龍。我  
 今生年與之同。秋蛇春蚓百不工。竭來山陰道。柳青桃復紅。  
 車如鷄栖馬如狗。空使林泉落我手。朝來蠟屐思入山。雨急  
 風顛重回首。吾宗髯也書絕倫。頻過論文臨池就。我



一題扇世上俗學徒紛紛持觴勸君且傾倒晴日今年去年  
少曲水東流不待人○雋○極○春風吹遍蘭亭草○氣○韵○真○  
是絕人

山陰雨霽同楊大春華游郊外飲朱廿二士稚墓下

簞醪河邊閒杖藜道逢酒伴相招携醉向南隣抱被宿際曉

不聽天鷄啼醒來忽驚海日出披衣却步無東西殘流小草

水泱泱舍南舍北猶春泥楊雲不曉事要我登會稽香鑪乍

見紫烟起石簣尚有陰雲低坐我石橋上影落橋下溪笑看

展齒折未得凌丹梯做車羸馬寒食下感念同游淚盈把新

鬼今從故鬼隣百年誰是長年者我今持杯一勸君有酒且

對劉伶墳從教浣女溪頭曲併入山陽笛裏聞○全○是○天○白○神○境○

寒夜集燈公房聽韓七山人聞彈琴兼送屈五大均還○筆○意○

羅浮

韓生燕市來夜向招提宿本是悲歌擊筑人援琴為鼓清商

曲安絃操縵夜三更良久徘徊不出聲坐使閒心遠方聞逸

響生商風泠泠七絃遍天馬空山忽不見石上爭流三峽泉

平沙亂落瀟湘雁聞道清商固最悲不如清角更淒其一彈

試奏思歸引再轉重愁雙燕離○此○數○筆○蕩○漾○最○妙○此時有客開軒望月露霜華

滿深巷四坐無言歎息頻篝燈欲滅風升降羅浮道士思幡

然忽憶朱明舊洞天種得梅花凡幾樹泥成丹竈已千年雲

山告歸從此始四百三十二峯裏入海能馴海客鷗携琴便

駕琴高鯉○舉○止○秀○逸○有○翺○  
○翔○三○島○之○興○

同王處士猷定施學使閩章陸處士圻汎舟西湖遇雨



東風吹落日西下北高峯欲往南屏路中流聽梵鐘迴船沙  
岸火驟雨石門松不覺碧雲暮涼烟生幾重  
筆意悠然

曹娥廟觀渡

問渡要津吏沿流信檝師江空鳴社鼓風細颯靈旗遂入曹  
娥廟同觀漢代碑浮江千載恨猶有弄潮兒  
颯杳飛舞

舍弟葵鑒遠訪東甌喜而作詩

急難逢令弟訪我自江東頓喜羈愁豁兼聞道路通晴江空  
翠裏春草亂山中知汝南來日西陵定遇風  
情文兼美

贈杜濟

石城烽火後孤客轉浮沉乞食來吳市為園失漢陰襄陽耆  
舊傳荆楚歲時心還復扁舟去妻其洛下吟  
蒼老盡芟時氣

飲祁六紫芝軒席上留別

長路何年別幽居此地偏石林芝草秀蘭澤荷花鮮上客且  
安坐主人猶未眠不知高館裏絲竹是離筵  
一氣妙有神典

表忠觀

城邊碧瓦樹靈旂廟口明湖濯翠微罷聽緩歌歸夜月獨存  
豐碣對斜暉錢塘白馬迴犀弩玉座青苔上錦衣保障東南  
功不細祠官易代豈相違  
如此可謂之高華

送曹侍郎溶備兵大同二首

司農論議朝端重副相聲名輦下聞豈憶尚煩西顧策翻教  
暫領朔方軍河邊道遠人千里天外鄉書雁幾羣到日關城  
春色早李陵臺畔柳紛紛



○此○首○只○言○邊○塞○法○妙○而○議○論○尤○整○  
關榆蕭瑟二庭空。埃火平安九塞通。往日連師驚朔漠。只今市馬互西東。黃河天上三城戍。画角霜前萬里風。知有馮唐論將帥。不令魏尚久雲中。  
○定本  
二詩有少陵諸將之遺

雲中至日

去歲山川縉雲嶺。今年雨雪白登臺。可憐日至長爲客。何意天涯數舉杯。城晚角聲通雁塞。關寒馬色上龍堆。故園望斷江村裏。愁說梅花細細開。  
樸老彌 覺蒼鬱

西巖

朝聞谷口猿。暝宿崖上月。夜久天風吹。西巖桂花發。  
如此 正自 不盡

上谷道中

急雪千山下。渾河萬里流。搖鞭逢漢使。走馬入雲州。  
古

越江詞

山圍江郭水平沙。過雨輕舟汎若耶。一自西施采蓮後。越中生女盡如花。  
興、到、語

客夜

韋曲城頭烏夜啼。明燈深巷綠窓低。從教越女工瑤瑟。不遣愁人醉似泥。  
正自深 于情者

錫鬯詩氣格本于少陵而兼以太白之風韻故獨爲秀出秋岳侍郎每向予稱之寄稿甚多惜未能廣登耳  
薛信辰 國符江南武進人

道中望泰山

秦松漢栢擁天關。萬古青蒼星露間。雪倚餘陰殘曲磴。風吹

○是○望○中○景○  
慎墨堂



淡日半寒山。丈人峯際孤烟没。玉女池邊倦鳥還。七十二君  
多輦跡。白雲封斷未登攀。  
詩氣空青却  
風格秀整

古廟

俎豆何人惟想像。衣冠誰代此儀形。烟含翠栢饑鳥集。日暝  
陰廊鬼馬青。小市魚鹽喧蜡臘。村巫簫鼓祝神靈。千林野外  
悲風急。吹擁寒雲積海濱。  
摹寫凄凉却  
極有神彩

嶺南雜記

牡蠣築墻高十丈。鐵梁架屋每千廊。龍腸龍蝨供尊俎。更有  
龍蝦三尺長。  
每恠三竿日影斜。小鬟雙屐響窗紗。誰知吏卒盈庭侍。晴雨  
齊穿上早衙。  
是備風  
俗通

羅承祚

景有江南丹徒人  
技閣近草

送張菊人歸茅州

我昔借枝初。適君來卜築。把酒時臨風。論詩夜秉燭。君志在  
壯遊。南北無停轂。離索累旬月。相見總信宿。乃者歲欲暮。北  
風淒中谷。浪跡憫天涯。枌榆懷故俗。言有敝廬在。官貧幸未  
鬻。投我別離詞。黯然難卒讀。居隣抱朴子。田園長松菊。炙鷄  
將老母。稚子飽脫粟。著書千萬言。和平被絲竹。直繼風與雅。  
寧止離騷續。好為寄雙魚。爾音毋金玉。  
清真樸老情旨自  
永其韋柳之嗣響

晚晴集丁漢公齋中限韻

積雨沈沈暗。三夏愁殺水國治。田者太守經旬宿。小船使星



一夜馳歸馬我無負郭田百畝蕭齋却傍桑麻野令威醉我  
 紫霞杯晚虹斜射短牆下雲蒸礎潤薄肌膚殘雨猶沾簷際  
 瓦岸憤披襟坐夕涼肯令嵇阮專騷雅指日雙星度絳河徐  
 看海燕辭秋社西風颯颯吹客衣竹梧深處恣瀟灑好製美  
 酒三百斛擊筑歌商佐清琴  
爽籟發而清風生此詩有焉

秋晴集友荒齋

宿雨得新晴彌增風露清偶過無逆送痛飲是生平帶月枝  
 枝影吟秋處處聲空堂聞戍鼓莫畏路難行  
疎朗如寒潭碧月

夜泊毘陵有懷孫衣月夫子

夜色毘陵郡恰當歲晏遊客心懸驛路歸興滿扁舟倦鳥趨  
 林宿孤雲逐岫浮城中函丈隔一水自悠悠  
圓足

飲望海樓故址

聞道當年百尺樓峩峩嶽立俯滄洲空餘老樹吟風雨漫有  
 遺基望斗牛跌坐正當春草茁劇談還為夕陽留憑高不盡  
 登臨興肯逐荒烟罷唱酬  
一氣頓折高情自爾逸發

渡江望金山作

屹然一柱橫天塹競渡千帆互頽頽險扼咽喉當重鎮平分  
 南北占中央巉巖自古蛟龍窟壁壘何年虎豹場幸遇鯨鯢  
 波浪靖殘僧應穩臥繩床  
切今日之金山固自筆墨高岸

南禪寺古塔

招提南向塔東偏千仞干雲郡乘傳一自龍從墮寶級空存  
 形勢憶初年追尋舊蹟何人復掩映清池半影懸彈指不堪



○妙○在○題○外○  
頻顧盼說來興廢總凄然

送黃仙裳遊天中

匹馬何辭芻秣勞送君遲日藉蓬蒿幾年戶閉嵇康懶千里  
人依劇孟豪花煖旗亭覓問酒鶯嬌驛路助揮毫此行却是  
投珠處定有風雲起布袍

此詩有駿馬  
蹀躞之象

贈呂半隱太常僑居海陵

蜀客興懷舊釣磯艱難行路素心違人間故劍飄零盡天上  
晨星歷落稀妻子無緣歸白帝館餐誰為授緇衣海邦詎作  
菟裘計且自高詞遣式微

彭衙故人往往難之此  
詩寫情正妙在曲至

同年曹子羽女適真州某誤傳兩尊人凶聞遂自經子  
羽哀之為索詩以紀

激烈捐軀未足論從容誓死已經旬緘書無限號天淚却被

雙魚誤玉人

其事雖過而其情可  
哀當表之以維風教

白夢鼎

孟新江南江寧人

九日語松過訪與胥永公山後看菊

凌晨風日佳興言好重九高衲叩門來山光滿庭牖東田菊  
有花茲日當飲酒欲為山中行乃約菊園叟花田處處黃湖  
光碧于柳採花各盈把清芬遠塵垢歸過溪上橋登高復良

澹雅處極  
似陶公

重九偶作呈柳園馬溪蒼庭並寄仲弟

衰年逢好節老友更關情得菊且狂飲懷山思遠行芙蓉後  
湖水揚柳舊臺城悵望鄉園路蕭條有甲兵

似不着意而  
神韻蕭然不



及可

大悲嶺

老樹前朝寺秋深葉滿臺坐中聞菓落行去見山來精舍雲  
邊出鍾峯霧裏開曾記桃花雨騎驢過嶺回

招隱園

錢山深竹路招隱舊時園禪定曾依樹江山獨閉門草生人  
不到花落鳥無言因憶山中侶相思啼夜猿

獅子山盧龍觀

獅子高如許盧龍望不遙當年傳盛事此地閱江潮一代風  
雲合千秋草木凋曉來看氣象瓢笠飽山樵

竹菴

山腰竹閣迥破壁補瓜藤短杖行三里孤雲逢一僧微言心  
似水黃面冷如水問爾西方路穿蘿過幾層

江行宿小孤山

寄宿孤山下驚濤意不歡夜深愁燭短酒盡畏江寒風歇初  
安枕崖崩又罷餐向明還悒悒蚤起廢蔬盤

慘客顏之句最妙

江行寄懷

日落九江上天高野水清寒山藏凍雪短塔見孤城月黑星  
留色江澗岸走聲披衣中夜坐翹首故人情

江行懷巫巒穉

蓬窓風雪大江西北無數青山照眼迷破浪未能登采石懷人



便已過姑溪謝公宅上誰招隱  
庾老樓前我欲棲  
不過漢陽重握手  
題詩那與白雲齊

放筆極辣極潤又極穩

### 武昌渡江訪王亦世

江霧霏霏黯不開  
懷君特為渡江來  
晴川放眼人千里  
芳草論心酒一杯  
洞口桃花堪煮雪  
湖頭烟樹正聞雷  
高堂愛日春無限  
羨爾山中濟世才

事好詩故好

### 登晴川閣寄懷漢樹蒼畧諸子

春風春雨漢江邊  
獨上晴樓思悄然  
江尾天低鸚鵡草  
日西人放洞庭船  
野梅近水烘愁眼  
烟樹平沙送客年  
為憶小桃源  
裏酒二三兄弟枕溪眠

筆墨帶烟嵐之色

孟新近溯漢江登大別其詩益雄偉歸憩白門著書等身洵樂事也

### 方殿元

蒙章廣東番禺人古今二體詩

### 上陵

思難平歌上陵當日漢高祖  
提劍定秦京艱難睢水戰  
晚困於白登雖貴為天子  
一生亦苦辛長樂住未幾  
便房夜冥冥關東徙豪右  
春日玉珂鳴陵上實繁華  
不知陵下人園寢二百年  
蔓草雜荆榛幽幽狐兔穴  
牧豎歌無情玉神出人  
世見者為涕零

古雅絕倫

### 蜀道難

棧道窈窕劔閣噴  
岷熊坐豺嘯長蛇結盤  
行客墜涕愁聞啼猿不見  
蜀天子亦化為杜鵑

短章較勝太白

### 報鯉



作書寄神龍好愛河中鯉。相隔天與地。與君本同體。報書與  
河鯉。時時能念子。羅網橫人世。餘禍及江水。當我未化時。寧  
不懼觸尾。低翼沈淵中。欲行且復止。孤潔不樂餌。直待雲雷  
起。所以士貴自立。

巫山高

巫山巫山飛鳥度。十二峰頭杳無路。終朝無雲暮無雨。茫茫  
神女歸何處。襄王不來宋玉去。落日猿啼滿山樹。

秋夜長

淒淒者風胡不自東。不自南。不自北。吹我井上雙梧桐。梧桐  
昨夜飄孤葉。夫婿從軍入窮髮。兩地相思不相見。愁雲共掩  
關山月。飛鴻不我顧。海燕離巢去。空帷蟋蟀鳴。長夜漫漫誰

與語。奈何含愁向天訴。蒼蒼無雲復無雨。西有牽牛東織女。

得騷賦之神

擬關山月

關山月難圓。何易缺。清暉愁恨多。照盡古離別。古離別。西在  
烏蘭東。竈突竈突。烏蘭何處尋。銀河搖動夜沉沉。珠簾半捲  
哀絃發。梧桐影下拭寒砧。征衣搗盡飛雙淚。願逐流光入邊  
塞。烽火宵來轉戰深。黃沙黯黯知何在。燕支山頭皎如雪。瀚  
海風高夜濤白。劍花光亂鐵衣明。隱隱黃河轉成血。秦軍戰  
罷漢軍來。夜夜嚴城數聲笛。如聞嚴城哀。角涕不能已。

擬東門行

驅車出東門。雨雪何霏霏。寄語毋霏霏。客子寒無衣。車遲遲。



顧徘徊我身瘦無力不能耕荷犁採薪養母日暮薄炊母聞  
慈孝並見兒啼分半粥糜欲不為吏不能已將出門泣者誰貌纍纍室  
亦且是賢媛中妻君欲為吏吏不可為今時重利而輕非君薄錢刀徒見  
可為淚下訾聞有疑中心悲一母不能養何以為男兒人生各有命  
音節勉且及時行行且思憂母腹饑母樂腹饑音節不歸音節斷續

情緒纏綿全從古  
樂府沈酣得來

秦女休行

秦家女休年十五市上報讐山上捕兩刀夾頸視不俯赦下  
 徐徐出網罟盈盈歸去燕王府薊北少年俠且武寶劍雖光  
狀其俠烈  
筆有劍光面如土  
 送客之燕

英雄未得志不惜遠行遊一曲狂歌去悠悠江水流鷄鳴儘  
華而壯客思舞劍散春愁歎息金臺上蕭條成古丘

重別陳元孝

高寒絕調重得今朝別難銷昨日愁酌君一杯酒回首數峰秋笑指叢  
 雲路終期芳草遊暫時分棹去江月兩悠悠

鍾離懷古

蓼國茫茫舊業空長淮幽咽自西東塗山不見諸侯會淝水  
意有感會猶成一代功雲母石殘悲白日都梁香落怨西風蕭條垓下  
意極蒼涼而  
擗詞典薦誰能過漢代河山已夢中

前有樽酒行

為君沽美酒莫厭頻頻一尊猶未領多少庭花落  
 抵唐人一



首長歌

花渡頭送客歸錢塘

醉別春風花渡頭、西湖歸去採蓮舟、此地素馨明月夜、相思江水兩悠悠、  
淡處妙有神韻

從軍行 時禁旅 戊粵

幾處寒笳起晚烽、琵琶洲下水淙淙、萬里征人鄉淚盡、不堪猶對鷓鴣峰、  
純是龍標

訪山人

輕舟一路繞烟霞、更愛前山滿澗花、不為尋君便留住、那知花裏郎君家、  
想路幽曲如此

訪隱者

尋到山源水欲岐、夾溪桑柘自成籬、數聲鷄犬分明近、青竹叢深路不知、  
竟是桃源

廣陵懷古

江都仍是好春光、想得瓊花舊日香、二十四橋歌吹起、東風先遣過雷塘、  
含蘊風流

劉逢源 資深津逮直隸尚周人 學迂軒稿

漫興詩

望輕原不繫蒼生、敢謂幽居不用名、箋注蟲魚真瑣瑣、栖遲里巷自經經、籬邊水澗鷗情遠、砌畔花香蝶夢清、寧待稽疑

叅卜筮物情透處識虛盈、  
只是胸中大有把握

不學盧敖汗漫游、頽齡已分老林丘、但知飲啄同山鳥、敢狎



公卿盡海鷗王子泛舟休訪戴仲宣作賦漫依劉松窓睡起  
○極○是○  
情無賴書卷閒拋弄茗甌  
倦游後勘破  
世情之言

皓髮低垂照酒卮琴尊隨分展雙眉客嘲玄白輕楊子天問  
○意○刻○  
參差費楚詞誰復覆蕉鶩得鹿寧其曳尾憚為犧不知黃綺  
○四○老○人○更○進○一○解○  
當年意何事時清尚採芝

劉佑 孟孚雲麓直隸曲周人  
悅柳軒近詩

歸臥荒園張子常趙秋水枉顧答贈

吳楚十年別蹉跎秋復春歸依城郭舊客訝鬢霜新淪落悲

遊子饑寒迫老親君來沾濁酒蕭索負佳辰  
○樸○甚○  
蒼氣逼人  
意尤深摯

霍亮雅路培生唐士彥同集小齋

非敢耽高尚家園喜覽歸深談午夜靜憶別十年違今音疑  
○寒○警○

殘夢行藏淡落暉柴門松月好相伴老漁磯  
素心雅韻  
時露高唱

閩古古過高唐依韵奉贈

潦倒魚丘長開筵接故人風霜應久歷灯火斲相親窓白能  
○有○含○蓄○

雷月談空不貯塵雲龍山色好何日許為隣

今日風尤甚何能恃敝裘黃沙摧老髮紅葉散深秋歸騎何  
○嚴○然○而○至○

勞促殘篇且暫蒐夢中難覓路言別淚雙流  
摧字散字佳  
絕○此二詩

贈得  
古古

魚丘雨中卽事

朝來烟霧隱千峰萬頃波光雨後濃苔綉雲根閒着屐水流

花榭一扶筇酒盃詩卷閒中趣樵斧漁簑画裡容忽報兒童  
○矯○甚○

傳異事路傍雷火劈枯松  
一結別甚乃  
覺耳目異觀



柳敬亭停舟相訪同賀祥菴贈句

海陵高會笑談中屈指知交已半空惟剩魚丘貧刺史相看

一對白頭翁與岐王崔九  
同一感歎

何林雲壑浙江山陰人  
狃山集

感舊

襄陽大隄水出自漢中來上經麋子國下達沔陽隈合流為

江漢晴川在其埃大隄女兒全勝花中間合沓萬人家我年

少壯曾來此喪亂經過空歎嗟復聞江漢紀南荒昭丘弓劍

徒埋藏楚王宮內纖腰女景屈公家多國良只今彌望東流

水莫為江魚厭武昌俯仰山川興懷今  
古筆端何其道麗

過楓木嶺

險易全分嶺初知楚地難經過偏雨雪時刻是風寒猥棘連

雲暗蠻花引客看鬼方真險絕吏到豈能寬詩心極  
為險峭

永豐舟中

容與扁舟發愁中烟草多十年驅瘴癘此日對江波鵬翼難

同擊鷗群莫厭過頻看章貢水日日動盤渦有擊汰揚舲  
之致結尤渺

然

常德卽事

星沙昨始發道入武陵谿仙洞迷龍跡官程認橘隄澤中菱

茨美壠畔黍稌泥自辰沅實靖至常德  
田始兼冰旱二說空憶桃花好春寒路

總迷藻思迸發  
望若霞綺

荊州感興有小



楚國自常武以下江夏以上悉為水窟不獨江漢洲澤為然也荆州號稱衍沃而汚萊草竊綿連數郡亂則先受戰爭治亦頻遭浸没如出策士之談則富强滿脰耳詩以誌之

瞥來一柱觀息壤懼還湮湖柳餘條肆廬茅且塞堙倒流渝此可備風土志

行至仙桃鎮值初度

懸弧曾自昔吾降是王正呱泣俄將老經營苦未成泥塗辱甲子清淺願蓬瀛風味獨絕歲歲花開處春風吹髮更大是感歎

過湖口縣

彭蠡帆如織相看客思遙萬川從一道九派應諸潮挂席吳鹽富連村楚竹饒那堪猿狖叫蕭颯髮全凋蕭瑟妙于古會過羅刹采石諸磯

君山未剗夫湘水亦平過孤嶼橫江出層巒墨石多雨來昏黛髻日出滾龍鼉風軟經行處流連祇綠蘿奇情橫發

漢陽卽事

玄圭未錫敢云勞昏墊平成藉楫橈水折三巴歸楚澤江分九派入吳濤孤篷蚤晚來沙際連艦晴嵐拂堊壕大別山前懷底績自來河洛禹功高調高情暢

至江寧

風柔烟淡一帆行望到龍江心甦寧萬里洪波疑駭駟一官飄泊易浮萍舊遊再覩傷容改故國猶存似昔經真訝齊梁花月散人生好事半零星一結令人百感俱集

湘江見鴈



今來始見雁。惟若不南飛。應我居蠻久。年年相會稀。

定本與照壁喜

見蠟  
同意

立秋

黃茅瘴裡滯孤身。遠向湘江采白蘋。一葉忽隨秋色下。銅波後好傷神。

是屈宋之遺音

余國樞

鄒長奕樵湖廣大治人

重過

肅肅寒林樹蒼蒼。變遠山曠觀天地迥。近得烏魚閒流水。同懷抱晴雲入笑顏。頽然舟上客。明月載將還。

蕭遠

初峽

遠水望疑盡。方知峽始開。城留漢帝跡。逕沒楚王臺。獅象中

流踞峯巒逆面來。江陵千里路為問。幾時迴。

起佳甚全詩亦雅稱

中峽

昨日辭初峽。奔濤怒未迴。亂雲搖嶽岫。怪石吼風雷。水勢干江合。晴光一線開。舟人相顧處。為報峽鳥來。

中流挾柁寫盡一時蒼茫

之景

下峽

蜀地前朝盡。凝眸望欲開。片天缺處見。遠棹隙中來。諸嶺差堪辨。狂瀾漸欲迴。當年椎鑿力。獨見鬼神才。

兵書峽

幾束巖邊簡。傳為蜀相留。平分三峽險。坐看眾江流。秘訣龍為守。深藏鬼共謀。只今路上客。猶說漢春秋。

發題盡看筆高



長至於漢州郊外觀捕魚

不淺登臨興環橋鎖衆流潛魚趨斷岸亂草過漁舟日永天

心復晴光野色浮君平雖已往卜卦記還留

悠然自遠

過蜀王墓

蜀王陵畔亂啼鴉似繞行人說故家臘酒不流墳上土春山

猶放舊時花一朝王氣風吹盡千樹垂楊雨打斜衰草終年

無玉輦空餘古道夢朝霞

逼似李義山 吊古諸作

張玉裁 禮存江南丹徒人

七夕立秋

旅榻當簷臥西風拂丹欄秋從今夕到月向異鄉看有巧輪

人乞因貧得夢安縫裳問僮僕預戒早霜寒

純能用意

題騎馬看秋山圖

輕裘短袴佩吳鉤書卷囊隨汗漫游匹馬隴頭初見雁四時

山色更憐秋關門霜急黃花老嶽頂雲寒石髓流極目蒼涼

何處劇漢雲秦塞夕陽收

憶橘

朱實垂垂葉尚青故山千樹未凋零相思不隔長淮水一夜

鄉心落洞庭

雅

觀奕

當局誰將黑白分設誇策士坐如雲湘東獨目縱橫甚一騎

遮擒盡覆軍

决賭争看闔智奇殘軍一切苦相持分明戀殺前車鑒珍重



諸侯賀勝時可謂深于兵法

張玉書素存江南丹徒人力行齋稿

送蔣帖慎先生歸里

雪花如箭鏃夜半薄庭樹送遠悲別離起坐聽鷄曙朔風吹  
前綏欲挽不得住囊書五車餘半肩擔做絮致身三十年粗  
糲支朝暮不為稻梁謀褰裳一何遽人生各有志肉食那知  
故大壑縱游鱗高天戢孤羽川原莽迴互揮手自茲去音調

逼真漢魏而情旨則委婉道出

題楚黃張伯明殉節圖

豺虎縱橫明末季中原半樹黃巾幟插羽軍書隔九關劫城  
掠邑同兒戲江漢傳烽劇可哀赤燐夜燭楚王臺牙軍力盡

貌貅散肉食謀踈鑰牡開楚黃先生訓九邑登陴誓日爭呼  
吸骨拋鼠雀饑烏啼露零松檜孤臣泣須臾賊騎來倉黃指  
賊抗馬鬚戟張峩冠屹立回劫火析骸斷脛殉官墻噫嘻一  
官如水肝作鏡常山舌并侍中血養士空悲三百年板蕩幾  
人留勁節令子應生忠孝家上書哀籲端門斜此事于今在  
人口舉圖示我長咨嗟年年秋風薦菰米遺像丹青炤壁水  
杜鵑啼咽九原魂瀟湘竹寫千秋史君不見南冠纍纍西  
市輕等鴻毛嗟後歎為廣文描寫一番忠魂毅魄凜凜千載

送吳孟舉歸石門

殘雪官橋路鶯啼送客亭人歸芳草綠春入片帆青摩碣收  
奇字囊書擁石經清流真第一相望暮雲停好  
俗韻  
筆無



來青軒

嵐氣蒼茫裡高軒鐘磬微亂峯啣日落獨鳥背雲飛榭葉侵  
僧榻松花冷客衣直疑人徑絕烟外野樵歸

法海寺

岩堯法海寺直入萬峯巔片石藤蘿合豐碑日月懸幽禽栖  
古木清磬下諸天輦路經過處苔封暗幾年  
○皆○雲○妙○甚○  
○二詩心手調適故辭意兼美

伯兄禮存假歸有寄

中路河流險長淮極望孤蛟龍逐白晝風雨暗全吳烟井千  
村斷金錢十道輸江梗饒半熟努力急官租  
○急官租為言老成慎密周可為存紳楷式  
○君家門第赫奕而倦倦以

贈王奉常烟客

中原耆舊半沉淪屈指如公更幾人彭澤有詩題歲月竹溪  
招友絕風塵愛尋山葉浮烟艇坐狎沙鷗把釣綸戰艦已空  
官稅薄白頭穩臥五湖濱  
○一結出人意表

送姜鍊夫歸山陰

獵獵霜吹野草枯高空葉落雁爭呼人歸匹馬迎黃葉宅近  
千巖隱画图談笑過江風度在悲歌入市壯心孤西園醉憶  
京塵客潦倒春前聽鷓鴣

西苑侍宴恭紀

宴罷傳呼促放舟蒼龍啣日盪中流月臺仙鷁分教坐黃箔  
珠簾盡上鈎



碧雲縹緲遠浮空石溜泠泠出葦叢不事樂人歌吹競五絃  
聲在水聲中

錢纜凌虛石砌盤紅埃迥隔玉欄干金鰲橋上人如織影入  
清波鏡裡看辭采盛麗斯為應制之體

過某將軍營

六纛雙旌隱画扉月明霜白路人稀燕歸不識將軍壘猶認  
烏衣舊宅飛含悽都在言外

銅雀臺

長堤一路繞漳河松栢青青送綠波莫望西陵更惆悵當時  
對酒已悲歌冷眼看出

長嶽

樂府新聲朱邸開憲王臺倚孝王臺如今野寺秋陰滿日  
昏鴉啄翠苔動人招喚

楊

岱

東子四川彭縣人村山詩鈔

巫山高贈友人

巫山高聚猛虎白日食人肉天摧地坼傾西土碧草幽幽斷  
行客山魘寂寂啼春雨巫山高兮悲復悲游人怨兮君莫知

君行直到萬峰裏白石峻增光玉齒峨嵋峯下花如雲駿馬

蹴花城鴉起

似唐人短歌

巫山

落日巫山峽孤舟萬里風石寒神女館濤沒楚王宮疊嶂飛  
青靄高城上碧空何年成蜀道剗木往來通

太白送友人入蜀詩有此



精麗

白帝城卽事

○巍○峩○之○極○  
玉洞三巴雨桃花萬壑春楚雲歸峽暮涪水入江新柏柱祠  
神木青峰化美人古來夔子國寂寞久歸秦  
擬于老杜禹廟之作

真州留別友人入蜀

○暮○景○不○凡○  
與爾天涯別留沽興亦闌退潮江雨澁吹角夏雲寒沙鳥飛  
何急巖花落未殘登樓無限意只倚玉欄干  
情思搖搖在筆墨之外

登黃陵廟

白日寒烟火空庭山氣秋黃牛歸更遠杜宇怨無休萬木雲  
中變一江天外流蒼蒼遙浦望應有古人愁  
如此勝地自爾佳思沓來

讀過如觀萬山烟雨

大慈寺

○發○概○便○不○同○  
久廢先朝榜何人禮大慈青苔荒石馬昏月宿寒鴟不見張  
續詠空憐孟祖碑年年春草綠芳躅與誰知

山棧

孤嶂阻青霄千峯向寂寥群猿渡水怯獨雀下天遙雷雨歸  
何處仙人不可招東南盡平野蕃馬一何驕  
筆力勁挺可以射潮

黃陵廟

岩堯古廟到今垂夏后乘輿駐蹕時江過岷山萬里白雲連  
湘曲九嶷卑空潭日落馮夷出古木春寒杜宇悲斷壁祇留  
遺跡在滿天殘雨溼靈旂  
高華沉鬱似李義山其源則出于少陵之秋興

夔州雜詩



三峽風高雷雨低盤雲直上與天齊楚王斷壁飛猿狄巫女  
空臺嘯鷓鴣楓葉隔江全障日山花滿路半成泥永安宮裏  
○合○情○無○眼○傷懷事漠漠寒烟馬自嘶

春來急水下峨眉客路悠悠啼稀規亂樹藏雲荒故壘行人  
見月憶當時千年画壁公孫墓百尺寒松帝子祠父老近來  
生計拙干戈何以慰瘡痍  
規模宏麗却處處有深意

晴川閣泛舟

晴川閣倚漢江斜獨泛城西十里花忽渡中流揚桂楫欲隨  
黃鵠上烟霞誰家細唱揚州曲為客重烹陸羽茶仙吏不來  
丹棗熟一天風雨散神鴉  
風神特作

淮安渡河

淮安城北日初斜水驛迢迢客路賒獻賦十年愁對酒登樓  
何處好思家雲低野浦千株樹雨徙黃河萬里沙不見王孫  
更垂釣望中空自立殘霞  
制格穩造語傑

馬嶽途中

烽火漁陽一騎飛梨園子弟筦絃悲誰知七月長生殿便是  
淋鈴夜雨時  
史歲

成都送客

芙蓉城外繫扁舟送客逢春上酒樓明日更從樓上望江南  
江北水空流  
輕圓可愛

燕趙少年行

天山雪夜解重圍獨上城頭晒鐵衣同望陣雲橫絕漠至今



隴○鴈○不○曾○飛○  
得唐人之神髓矣

千○金○名○馬○愛○飛○黃○新○市○驛○弓○入○尺○長○久○住○邊○城○歸○未○得○寒○衣○

都○付○市○門○倡○  
寫出從軍蕩子

魏○麟○徵○  
蒼石江南溧陽人

高○郵○隄○雜○謠○

隄○如○綫○河○如○箭○水○齧○隄○迸○成○電○

風○發○穴○雨○淪○舟○仰○天○雲○流○俯○地○河○流○孰○知○其○由○

昔○田○畝○今○沮○洳○昔○廬○舍○陽○侯○居○吁○嗟○我○民○波○臣○之○餘○

雨○散○風○止○怒○流○齒○齒○官○來○喚○役○夫○瘡○民○忍○饑○起○

疏

泰○安○早○發○

驅○車○泰○山○下○夜○半○朔○風○起○空○野○悄○無○人○馬○蹴○層○沙○裏○天○逼○海○

濤○寒○橫○雲○吹○萬○里○日○出○辨○微○光○數○峯○遙○可○指○欲○折○若○木○枝○探○

取○蓬○萊○水○  
曹實菴日氣體高壯想有泰岱風雲入其筆端

偶○成○

宣○武○門○邊○小○徑○斜○雨○餘○淺○草○淨○平○沙○隔○溪○似○入○江○南○路○垂○柳○

當○窓○半○酒○家○  
如畫

德○州○渡○河○

城○上○寒○雲○晝○不○開○長○堤○烟○柳○夾○黃○埃○見○童○解○憶○江○南○好○頻○指○

中○流○画○舫○來○  
從画舫想出江南妙妙

高○士○奇○  
澹人浙江錢塘人

送○二○鮑○兄○入○蜀○



三年同作客一日忽難辨秦棧過寒雨岷江宿暮雲傾尊岐  
路隔把袂旅愁分與從茲去應傳諭蜀文

新秋

委巷高秋至新涼向晚歸蟾蜍光未缺蟋蟀語還微遠笛悲  
為客鄰砧促授衣坐來銀燭暗清露溼簾幃

安

過功德廢寺

馳道森森翠栢垂過門驚見長茆茨後貌石冷眠荒草  
蚪蚪文多沒古碑御輦不來空殿圯木毳無主夜猿悲  
傳寺僧以木毳為使

宿退谷

日落潺湲響亂泉空堂高敞綠蘿烟林間影靜樵初散竹外

聲喧鳥自還一醉風前思梵籟十年客裏對山川夜涼天際

生新月獨向虛窓照客眠全首高健

登五華閣

晴日高侵薜荔牆孤岑古寺半荒涼到來山果逢初熟坐久

巖花覺暗香遠眺宜人千樹曉平臨濯足一溪長披襟還訂

秋深約引領天風入醉鄉幽森恬適

秋懷

垂虹千尺鎖洪波曾記盧溝匹馬過鹿澤荒烟迷石室酈亭

寒露泣銅駝北趨城關風雲壯南去家園道路多燕趙古稱

游俠地只今何處弔荆軻高涼之極

春郊



出郭驚看春暮時，野棠飄盡柳垂絲。自憐京國風塵客，花落  
花開總不知。久客京華方知此詩之妙

顏光敏 修來德園山東曲阜人

### 梁氏園對酒歌

長安四月花如雪，水館紗窓迥無熱。堂上華筵簫鼓陳，梁園  
上客多人傑。開簾遠對蓬萊宮，西山佳氣來菁葱。嘶風騎馬  
何曾歇，入座新詩各不同。更燒絳蠟垂簾坐，歌扇舞衣飄婀娜。  
娜乍看晴雲水面飛，忽聽涼雨樽前墮。入夜霏微風滿天，酒  
酣耳熱重流連。願君携酒且停手，為君更進珊瑚鞭。君不見  
漢家休戚飽欲死，翻笑金門可憐子。又不見山中松桂生幽  
香，誰其慕靈樞。侯王丈夫窮達各有道，安能逐隊無短長。南

○格○東○風○格○完○用○飛黃鵠北飛，鴈明朝別思分鄉縣。但使生前多令名，何必陌

頭數相見。氣味似初唐四子然其飄宕處則居然摩詰嘉州矣

越 珮 山公貴州貴陽人 澹時軒集

### 過金山

作勢凌滄海，風波見此山。層層生石氣，曲曲轉松顏。月照天  
初曉，江鳴鐘自閒。孤身向烟水，行役幾時還。胸中曠筆底活

### 同友人游鷄鳴寺

故趾餘名地，簷楹半已摧。荒榛迷冊府，古藓沒梁臺。落日過  
湖白，寒鴉掠樹哀。登臨今日事，且盡掌中杯。固是有懷只出之和足

### 喜同鄉友人過寓

不自知傾倒，因君看始開。三春無意緒，半載滯燕臺。劇飲燈



頻動浩歌風正來。鱸蓴真可思。何待挂冠回。

純是一氣高。今何以加茲。

曾孫瀾 公望福建侯官人 紀遊草

### 度仙霞嶺

峭徑依天盡。山孤見石懸。家鄉千里外。世界一峯前。野寺啼猿入。疎林古鹿眠。川原看不厭。長嘯倚雲邊。

造語警甚

彭焱 然石湖廣孝感人 留質堂詩

### 老翁行

吾生感于役。驅車上南岡。曠野無居人。豺虎嗥我旁。行行依遺圯。僕夫眷夕陽。栖鳥啄牛背。穴鼠沿莓牆。披榛循微徑。茅隙泄燈光。緩步造其廬。老翁情倉皇。驚疑府主來。長跪訴旱蝗。前日官兵過。搜掘及池塘。今來索縞絮。寒女泣秋筐。煎硝

大索地。剝膚兼剝床。敲髓完秋稅。先期備輸將。理合待鞭朴。涕淚霑衣裳。問客知投宿。歡呼除中堂。引客開瓦釜。藿炊襍糝。糠飭箸前薦。客啜粥如啜。苾憶昨癸未年。辭家入武昌。隨遭西寇急。買舟謀渡江。間道三日餓。瘦顏兩月黃。老翁今如此。將無羸且僵。歎息復歎息。老翁慎勿傷。君看秋原上。痛哭非一鄉。

此亦春陵石壕之遺音

### 種桐歌

植桐求音。酌根淺深。勿傷桐心。五年將成。陰十年取。作琴。

四○字○要○緊

### 河朔射獵行

揚州貴人曹景宗。夙昔意氣何其雄。鄉里快馬騎如龍。黃皮



袴褶懸離弓少年三五索韃從馳獵六合忘西東鼻頭火出  
 耳生風箭如餓鳴叫澤中豺啼虎匿雉兔空渴茹毛血草根  
 紅貧賤樂事凌蒼穹一朝富貴嬰樊籠雀銜八騶笑王融長  
 馳鹵簿何矜崇三日新婦車轆封無繇矯首送飛鴻丈夫不  
 得快心胸致身徒爾作三公鳴乎致身徒爾作三公  
○作○三○公○便○是○快○心○事○  
○如○今○  
○即○用○  
景宗

語為詩語  
 語英爽

讀易

草堂著書竹柏幽未夏肅肅入深秋不覺十畝桑麻長時間  
 四壁山泉流廬外有峰嶸如嶽蒼翠撲衣潤帷幄耕鑿皆在  
 白雲中熟量陰晴鷄喔喔昨夜聞塘夢春草滿地桃花不肯  
 掃素月荒荒下碧烟鷓鴣啼徹山南道  
○通○似○本○長○吉○  
山甲之景寫得幽  
 深詭麗令人不復

作人  
 間想

哭梁公狄

五意誰念出關窮廿載吳門托伯通牀下龍鸞煩勸勉世間  
 粉本亦英雄憂時泪涌心如石罵坐髯張氣似虹家世霸陵  
 空漢史要離塚畔起悲風  
○二○語○足○贈○公○狄○  
公狄別予札云要當問龐公床下  
 孺子橋頭尋取經世本領世間粉

本英雄區區虎膚  
 蛙質不足學也

贈友人北上

人生山水及交游散合關情可自由舊事偶追如共語佳辰  
 多負始深愁寒江吹雨爭歸夜凍樹辭霜又改秋為問慈恩  
 詩酒地幾人堪聽鳥相求  
○情○語○  
幽折處如  
 聞泉咽

輓趙友沂



甲午邗溝兄事爰倡予和女並篋墳風神掩映三珠樹春夏  
依栖百柳園北道臨期重握手西樓按拍復銷魂酒闌人散  
時○何○幾○化○作○秋○雲○一○點○痕○  
風流雲散寧止一  
別如雨言之傷心

一去承明困藥籠返魂香渺海天空強將愁髮同潘岳未有

遺書屬所忠成佛生天春草夢酒缸禪榻落花風生存華屋

笙竿地冷砌殘陽急暮蟲  
此語  
以騷雅之調寫哀慘  
之衷可謂情文兼至

漢肆口占

千金不惜錦纏頭綠髮雙樓十二樓昔日賤貧今已老此生

無分說風流  
我輩愁  
聞此語

附儀答寄彭然石道中見懷二絕相逢今日未嫌遲但恨  
樽前遽別離落日黃河人去遠夏雲無盡獨吟詩  
名園正把杯忽驅羸馬向繁臺于  
戈滿眼朋儕盡白首如何懷抱開

高以位 素其逸齋江南江都人

文選樓訪鄧孝威同葉星期作

徹耳驚風雀君來僧舍閒詩哦雲裏閣酒對雨中山楊柳隋

朝樹兵戈吳淞灣賴持冰雪句惆悵一開顏  
淹雅  
明秀

送常梅崖赴涇縣學博任兼懷徐聞宰

論交每望敬亭雲太白灘邊又送君豈有軍書臨僻縣且從

官閣坐斜暝帳前吹笛仙人近車上攤書弟子分若到青山

逢孝穆為言吾土極紛紜  
恰是今日送行詩  
不祇音調之朗俊

送少司農田夫子還京

曾忝膺門顧盼多又逢星使動鳴珂三春鴻雁懷陰雨萬戶

桑麻起白波画舫宵移趨紫極驪駒朝擁渡黃河東南災異



從茲弭太史無忘瓠子歌

公為奉使蜀賑而出故言之剴切

送申又伯之任香山

過嶺風殊水驛秋遙看雙鳥下三洲木綿花煖羊城驛玉印  
蓮香荔子舟京國鶴琴延令望蠻鄉竹馬觀風流佇看謀最  
循良重吳隱寧教久滯留

如此藻麗飄逸自是送行高唱

客中九日感懷和元凱韻

歷湖秋水接長天峰映晴暉似去年幾處登高吹帽落何人  
醉酒傍花眠征衣十載塵仍滿鄉夢三更月未圓黃菊籬邊  
霜葉下鷄籠遙望楚雲連

其音清啞似雁唳秋空

金陵送別趙星垣之銅江

一榻今宵聚來朝南北天臨岐語不盡珍重憶燈前

語甚哽咽

除夕長安思家

嚴冬匹馬到長安旅舍西風燭影寒遙憶故鄉今夜酒兒曹  
寂寞強為歡黯然

俞森再見

坐報國寺雙松下

報國寺前雙老松膚如霜雪枝虬龍殘鱗曉落雲片片驚濤  
夜吼聲淙淙植根托向招提側遊人來往頻依息綠蔭能移  
赤日威黛痕遠奪青峯色文石為欄珉作碑酒徒詩客相追  
隨雲袖長得東陽賦霜傑猶傳彭澤詩春還秋往無終極我

來共說非疇昔蕭條老幹蒼烟空零落踈枝寒月白回風日  
落自蕭蕭梵唄禪燈鎖寂寥只應化作蛟龍太歷歷高榆仰



碧霄

別有松濤謾謾  
在篇卷之外

沈繹堂太史以董文敏手書天馬賦見示

叙次書法源流何其明悉

結繩既遠六書成仰觀俯察通神明科斗篆籀間代起李程  
賈蔡先後鳴噫嘻世遠日已改靈物依稀藐難再石鼓磨滅  
不復存嶧碑劫火終茫昧太傅筆法生右軍真書草字森烟  
雲匠心豈必看劍器得意自起籠鸞群神奇變化紛紜出毫  
端自有天然質傾國傾城絕代姿虎卧龍跳狀難悉蘭亭筆  
墨何處求神物不得長久留或隨金盃埋九地或其香奩到  
十洲臨摹做汰多好手唐宋諸賢皆不朽落筆猶存規矩中  
絕塵而奔復何有蘓米以來數百年八法神理何人傳吳門  
待詔頗自喜華亭宗伯稱世賢摹做百家池水黑晉人風骨

真能得盛名已覺海外流屢筆難教天下識版碣森羅類積  
薪流傳鐫刻非其真茸城先生好書法胸羅古今筆有神不  
鄙後學謂可教示我珍藏人世少巍然文敏天馬篇風流道  
媚真殊妙龍矯鴻驚迴絕倫春蛇秋蚓徒逡巡拭目縱觀如  
有失坐卧三日寧辭頻天資妙以學力臻先生酒翰尤絕塵  
倘能盡出笥中秘願作堦前負笈人

潮顧八分  
諸篇並垂

題石景山僧舍

攬轡出西郭遙指景山岑河流長浩浩古殿何森森石龕裂  
山腹老柏懸岩心幽賞殊未已待月坐松深

宿來青軒曉起題壁步宗伯韻



碧嶂倚簷橫。天開鳥欲鳴。曉霞嵐際出。旭日海中生。霧湧渾  
無路。泉流暗有聲。卧游殊未足。歸騎不勝情。  
極追琢又極渾成

送顧秀升西遊秦晉

稟列三冬暮。征鞍不可留。塵沙遮馬首。道路著羊裘。此別行  
彌遠。微名好亦浮。遙遙太行道。雲樹總離愁。  
箴規之言令人拱服

同張廣平顧秀升汪騫林飲嚴方詒侍御葡萄酒下

雷雨初收暑。葡萄滿院香。披襟還道故。脫帽共傳觴。濃遞烏  
程酒。涼生白簡霜。班荆盡同里。渾欲忘他鄉。  
少陵自評其詩不過日穩

此詩佳處只是一穩字

冒雨過興勝寺同張廣平劉伯賢王子可朱敬如子愿

飲花間小亭

不惜沾衣溼。西郊一騎過。精藍良友集。幽榭好花多。酒氣薰  
紅藥。茶烟遶綠莎。春光看又過。不醉欲如何。  
讀過覺和風襲人

贈熊侍御巡視河東

幾季人識鮑家驄。騎出都亭攬轡雄。帝簡蘭臺巡冀野。天  
窮蒲海歷秦風。二池霜氣迎秋肅。八月河源奉使通。知是埋  
輪兼載筆。西征詞賦舊來工。  
滄溟送行詩只是高雅典確所以獨步一時此作正堪與

白雪相敵

登通州城樓

雉堞雲齊擁。小樓登臨極。日海天悠南。來杭稻千帆。夕北太  
風沙萬里秋。山勢遙臨東。海盡河源直接太行流。一聲淒斷  
孤飛雁。烟樹茫茫動客愁。  
確是潞河詩移易不待言



過漂母祠

長淮浩蕩統祠門漂母巍然廟貌存日暮依依流水碧只今

誰復飯王孫慨然

使君詩前已得數章付梓矣茲從塵湖寄予燕遊草因復  
透次如左聞其秘篋自酬贈讌集而外尚多名構未盡出  
以示人也

王穀韋鄂叔浙江山陰人

廣陵春日紅橋酒家留別諸子

握手旗亭酒一卮殘紅零落草離離論交海內知  
春真作惡花前別友更增悲愁人切莫

天涯會面遲客裏送春真作惡花前別友更增悲愁人切莫  
窺青鏡定有秋霜上鬢絲謝眺詩云秋藕折  
輕絲以評此作

畢際有載積山東淄川人  
存吾草

贈別呂忝字歸越州

山陰增戰壘卜宅且還鄉別意余偏劇歸思爾正長  
錢塘春雨濶楊子早潮涼珍重為相送顛毛一夜霜  
全詩一氣頓  
放老境逼真

少陵

泛廣陵西湖至平山堂

柳色蕭疎暮靄浮虹橋放櫂足彘猶雙扉隱見花間徑一水  
迴環竹裏樓日落人歸停画舫荷枯天冷立沙鷗歐陽遺蹟  
知何在隊隊牛羊下隴頭前四句說景人能之  
一結令人裴徊不已

廣陵贈別鄭孔如兼寄訊稷山諸子

相逢邗水恰秋殘君正來時我罷官濁酒尚堪通夕話旅衣  
且耐五更寒并州西望思千里鷓首東歸愁萬端為訊高梁



諸父老歲時伏臘可能安

情緒纏綿  
音調婉轉

索驛馬聲

不是羽書馳呼豈何其緊一馬供自騎還須一馬引

一首小小

詩抵一篇  
長奏跪

題紅拂圖

一見翻然夜半行盈盈秋水結三生紅顏悞託知何限只恐

無此論頭  
當年亦倖成

翻案固有理然  
畢竟慧眼不同

答王子下見懷

我來淄水君剛去却向狼峯君又歸獨坐相思秋欲老淒風

黃葉雁南飛

其音散宕似  
秋雨乍來時

絕句

近堞遙山一望收扶踈竹樹映平疇杳娘已去迷樓燼不見

桃花逐水流

可勝野水  
斜陽之感

和陳其年卽事原韻

燈下幽窓讀楚辭忽驚秋鶻縱縑絲竹爐聲寂鸚哥語正是

檀槽半咽時

解此種風調  
正復寥寥

朱鳳台

慎人江南靖江人  
退思堂草

題超然軒

荒縣人家少高軒擁寂寥日遲林霧漲風戰嶺雲驕竹外猿

呼子花間蝶認僚坐來無一事清賞習終朝

極能  
作意

自亦忘爲吏居然獨寤歌煮蔬欣晚食呼鶴每朝過霞紫照

清几雲寒覆碧蘿數家憑檻望春汲半山阿

是山縣  
光景



晚步

高林涼雨過落日遠村微放步聽流水移情自釣磯門前巖岫通屋外野雲飛幽賞真榮適深慙素尚違

造語奇秀

秋夜舟行

靜夜群動合孤舟旅思清輕烟依樹靜遠火亂螢明星射騰波影風過認雨聲心煩催棹急前路幾多程

擬舟行之景可謂刻當

過山寺

樹隱一峯峭疑無路可從緣溪纔得徑迴步忽聞鐘小鳥訝行客殘僧導暮笳幽尋余未得無乃愧長松

懷水簾洞舊遊

驚濤忽立俯幽宮斷斷銀河鬼窟通噴壑千重晴亦雨飛空

四語壯幻

百尺水成龍連山時作天風急窺洞將無日月同長夜閒懷

尋曩屐虛堂疑在萬流中

蒼巖古洞寫得森奇逼人

程謙

山尊江南歙縣人春帆集

放船

○是○山○是○水○寫○得○靈○活○  
只在山光裏滌洄江水流十年長作客猿鳥識孤舟舊壘侵春艸殘陽下驛樓離心知不寐明月與人愁

神情氣味俱妙

登釣臺

吳越多遺跡高臺自古今清風勞咏嘆白日愧登臨春入祠雲冷江連山木深更誰垂一釣長繫故人心

不徒寫景却以意行

富春山樓對雨

○蒼○然○  
萬壑起層陰山樓雨正深野烟霾虎氣堤柳識春心風便樵



歌出天低艸色侵故人清興遠載酒恰相尋

絕去烟火却字字引人入

勝  
乘月過瓜渚訪蔣前民

不盡扁舟意獨來明月知啓扉驚宿鳥携手問新詩徑僻餘  
春在時艱白髮垂久貧悲作客何以慰相思

意極深苦然兩人交情即

見篇幅

冬夜喜魏冰叔蔣前民見過兼訂遊黃山約

貧家有良夜客至喜開尊海月炤初滿梅花香欲繁霜寒孤

雁出風定遠江暄漸水還相約春山到華門

深靜足藥浮蔓一種

京口阻風尋鶴林寺

數折遠江聲林開天地清聞鐘知有寺携酒聽無鶯世亂衆

山淺門閒一水橫夕陽看欲盡步步感浮生

逐步寫入景色絕幽而更

多警句

水亭同友人作兼贈頰上人

兩日荒村雨悠然共一亭池因深柳碧山許隔江青禪意浮

春草漁颿愛夕汀老僧能好客香茗未曾停

只是自然絕不着意妙得

唐人風韻

同施愚山遊岑山寺

眾水分孤嶼千山抱石磯同來尋勝地獨坐得清機遠岸交  
霜葉高樓俯翠微十年重到客野興欲忘歸

只是細心不肯草草向山

水間涉歷故能用筆清妙

施愚山招集山館共賦



百折山園出叢篁夾路新高花明淺水芳艸愛閒人酒碧城  
頭月烏啼江外春登樓看暮景寒笛動西隣

品

澹而秀潤而  
蒼是詩家逸

非二兄招集問政山房病不能赴

山城佳日輒招攜病向花時嬾杖藜昨夜風雷喧屋壁一蹊  
奕李濺春泥松堂笋熟人初過石磴詩成客未齊聞道雙鬟  
頻度曲依稀吹落小園西

領聯以下遙寫山房  
燕會情事筆有餘妍

廣陵客舍送焦韞輝

西風吹客正東去歎息羈人尚未回玉簫獨驚寒苦夜銀蟾  
偏照別離杯江城秋色寬瓜渚驛路猿聲近釣臺君到故園  
勞問訊疎籬應有菊花開

妙是一氣呵  
成獨錄老境

孫繼登

汲山江南江都人  
山齋集

憂旱

伏秋久不雨四野起塵烟日烈嘉禾槁風腥蔓草連枯槁空  
血汗歌舞盡金錢漫有桑林禱甘霖竟渺然

歌舞盡金錢  
寫盡揚人情

性

同吳蘭次遊方園

出郭尋花去山光媚野姿蘭開猶曲徑鳥喚欲晴時遠墅憑  
筇杖迴風蕩酒旗相看聊一醉還訂後遊期

秋水為神  
為骨以評此

詩

送彭然石返大梁

竹林推雅望交誼久逾新不負河梁意因知肝膽真中原道

卓○傑○



驛路飛檄正風塵落日黃流沙應懷我輩人

雄清霸氣  
磅礴筆端

朱荔裳觀察招登金山因送赴蜀中

祖送江干意若何青蒼孤嶼統洪波因看此日離筵盛漫想  
○轉○筆○好○  
當年戰鼓多白墮頻傾猶再酌青山難老又經過好登劍閣  
題銘云西上岷峨久息戈  
有登山槌  
鼓之槩

口岸阻雨

板橋茆店舊人家幾歷星霜玩物華滿日春光縈柳絮一時  
○極○似○丁○卯○集○中○佳○作○  
風雨如桃花溪邊古樹圍僧院江岸殘紅戀客車獨怪西窓  
簷溜急五更支枕徹啼鴉  
處處着意  
不獨妍秀

詠廣陵舊蹟

兩岸樓臺啓竹扉千門燈火映羅幃揚州亦有秦淮月好載

王家莼葉歸淮情致不減

十里春風吹玉勾二分明月望中收吳興才子留題在何處

踈簾半捲樓明月着何處二字便活

菱歌初唱露方晞笑逐鴛鴦水濕衣如殺滌洋諸女伴晚來

湖上並舟歸采菱是唐人風調

周金然廣菴江南上海人  
西山紀游

度九龍山

直起好  
已辭潭柘山更問他山路山僧知我僻好奇蕪入山中險絕  
處陰壑霾雲虎豹愁披榛覓徑如有求側身牽攀不可上上  
者股栗神恟恍一峯歷盡喘未蘓前峰又復催憂虞我生筋  
力能幾多諸艱歷試胡為乎樵子尋常不肯至矧乃倦客冥



搜強好事磴危路滑將恐墜徒旅微聞襍嗟喟忽來片岫平

如掌相呼藉草狂歌賞斯時四望覺身高下視群山離立皆

兒曹白雲冉冉騰山均便欲乘向間闔隨逍遙恨不携將驚

人句搔首問天天亦怖却望居庸鳥道迴茫茫絕塞風烟開

燕昭遺烈安在哉漁陽豪俠多蒿萊古今代謝復何有惟有

茲山突兀無衰朽呼取驢背酒一瓢醉我山神勸我友長笛

一聲出林藪蠻謳翻入龜茲部興發一齊開笑口須臾雨過

捲衣涼薄醉都忘山路長前干後禹滿空谷山下人疑嘯鳳

凰王敬哉云嶽嶽歷落中又具瀏灑頓挫之妙起伏頓挫皆極自然而典發神王則復似憑高御風飄飄有出世之

于吉人江南金壇人

過前馬蕩

夢回欹枕倚孤篷望裡層湖水接空兩岼未乾黃葉露一帆

初飽白蘋風村餘殘壘嘶征馬潮落荒灘下塞鴻千里雲山

纔入目已教惆悵夕陽中溫麗兼露英色

聞鶯

殘山是處有黃鸝傳響深林客聽遲可惜綠陰春已去聽時

偏不是花時新意極新

香心廟

香心廟下草萋萋愁絕行人過水西獨在亂松深處立夕陽

淡淡画眉啼予古却在言外所以為俊

潘耒次耕力田江南吳江人



遊龍門

鬱然而起陰森禹廟蒼巖裏老栢虬身鐵作枝露宿枕流聞戰鼓雲行  
 拂水見靈旗鑿開地肺經營定驅禿神工跡象疑正憶淮渦  
 災未息龜山誰為鎖巫支全副精神  
 捫蘿側足傍河行斷壁轟崖削不成石鼎細承巖乳滴香爐  
 倒掛紫芝生光鑑四射深通壺口篙師勇下瞰盤渦木客驚清嘯一聲  
 山四荅愀然喚起蟄龍鳴儼與空同對壘

及丹生

山夫浙江嘉善善人

野望

天回白雪春申浦日落秋風萬里船多病故人相見少還家  
可傷在此稚子獨堪憐昨來曾寄鷓鴣賦老去頻登玳瑁筵羈客自應

踈放久短簫橫笛不勝前

才士暮年偏有此感寫得蕭蕭瑟瑟

潘廷章

美含浙江海寧人

臨平湖觀新漲慈草閣示聞上人

脫胎少陵

自昔奔濤下海門新雨漲江村石潭雷起蛟龍闖菖角  
 星飛日月昏一臥滄洲成浪跡十年湘浦未招魂山僧草閣  
 堪乘興岸芷汀花與細論新情別彩

方中德

田伯江南桐城人傳經樓集

金陵懷古

掾收百六是先籌故節何妨怒石頭却敵將軍多世族過江  
 名士遂風流每懷誓墓人聞道幸得圍碁客解愁剩有烏衣  
 吹蓬步相逢戴笠泣扁舟不能不致美于王謝



朱思玉 鴻江南華亭人

送宋荔裳觀察蜀中

持節西川去。名花發錦官。仙槎逢八月。雲棧繞千盤。山水才  
人愛賓朋。蜀道難高唐。詞賦好萬里。寄誰看。  
都雅

曾餘周 才民福建晉江人 豈菴餘草

清河縣

始識清河縣。碑傳君子居。地衝官吏賤。民少市廛疎。補屋全  
編草。臨河半打魚。無城堪戰守。喪亂定何如。  
結有深慮

張秀壁 東圖江南蕪湖人 翠頭詩

送蕭尺木師遊廣陵

老憶揚州去。每遲乘潮今。與放船宜何年。邗水通瓜步。終古

隋堤恨柳絲。亂後珠樓春不到。橋邊明月酒誰移。可憐過客

徒詞賦。南北江關一望悲。  
清滿可愛

吳非 山賓江南貴池人 耕餘堂詩

小喬墓甄歌 在廬江距瑜墓二里許

孫郎周郎才瑰奇。大喬小喬神仙姿。草間客起孫郎死。大喬  
掩面啼。霜颯周郎廿四稱。雄傑登堂拜母深。相結水犀三萬  
戰。赤壁舳艫千隊烟。塵滅未了孫吳圖。霸功金闕也復泣。英  
雄巴陵旅櫬廬江返。總帷送塋號西風。無何美人亦荒土。遺  
磚一一封題古。劉生向墓默相祝。乞分一塊珍如玉。驢負舟  
浮通水陸。出囊矜示古物色。燒鑿花紋見朴質。凸起輪錢痕  
似鐵。嗚呼曹瞞疑塚竟。何如周家封藏誰曾掘。  
朝雲遺墳至絕樵採



小喬古嘉無人敢掘奈  
何鬚鬢而不若巾幗耶  
吳孟堅子班江南貴池人  
湘潭行吟

訪友

不堪離索只空山乘興翩然欲扣關  
記得去年相別去一庭

小雨正花間寫景而情在其中

劉漢系王孫江南貴池人江左詩集

宮中画扇歌

黃裏奇珍無不散何況官家五明扇  
細摺雖規日本工雕鏤  
更比川中綯箴空至寶極華妍不似屢朝徒便面  
宣憲諸宗拂素精画師往往承恩眷  
方幅生綃尺寸統待詔常趨仁智  
殿何年分筵命丹青人物翎毛及花片  
進覽都呈內使傳院

體頗勞至尊羨偶然得意動龍蛇  
親采唐詩御宸翰握來宣賜六宮姬  
收藏什襲鬼神知到今散落江湖估  
豈忍搖搖對黍離恭捧金泥看題識  
日臣顧遠李揚之系所見者已如此  
展轉未竟心傷悲竟備一則掌故顧李何幸得劉生而傳

方中通位伯江南桐城人遠遊草

至白鹿次韵

不得逍遙又一年雖餐脉望豈成仙  
悲來益恨予生楚亂來空教客入燕  
楊柳初垂春日雨梅花催落故鄉天  
夕陽猶許行人見明日長江好買船  
風致最好

王體健廣生直隸曲周人讀騷齋詩

和陶飲酒詩



予載仰高風常懷郭有道托志苟無欺窮困何辭老自幼寡  
歡諧因之就枯稿不知與捷足相視孰為好我聞古人言人  
生各有寶仲子匪能廉猶當推物表自信甚確 觀人最平

擬明月皎夜光

四時遞成歲鳴雁一何悲月色炤霜華九月尚無衣我有貧  
賤友誓顯不相違一朝處異地春榮對秋萎南箕與北斗徒  
有虛光輝雲泥既判誰為踐車笠 之盟者言之可為浩歎

王履同芾來秋潭江南無為州人 西湖遊草

寶石山遠眺

登臨情逾劇几案有錢塘帆影依烟井江聲走夕陽越山青  
自引湖水好難忘再理秋風棹茲盟未可荒傳神殊 不在遠

林九棘伯逸福建莆田人 十詠堂集

太平溪乘舟下涇川

山高澗險迅流湍一棹輕飛過幾灘丹壑水聲從石轉翠微  
帆影逐雲寒唯開峭壁船頭出天湧洪波舵後攢咫尺琴溪  
南夏驛寸心千里慰平安刻畫奇險有 五丁之力

寓天山門溪樓

天山門下水東流為愛清漪寓小樓秋靜人烟依嶂遠夜深  
漁火點溪幽簷楹偶聽禽相語磐石聞音魚上游孤旅不堪  
鄉思起重重雲樹一歸舟摹景俱別 落筆甚高

夜渡板子磯

憑虛飛艇破危瀾薄暑偏驚萬壑寒身逐間雲逝去住心隨



明月鑒平安扁舟酒醒秋風劣孤枕涼生夜雨殘千里卧遊  
頻極目片帆隨汎過前灘  
妙處耐人  
千百思

蓬萊閣觀海市

為覽丹崖千丈臺壺山萬里海天開眼中波浪無今古閣上  
風雲自去來仙島遙蒸光作市雪濤乍落迅飛雷泚泚徐福  
知何處笑傲惟傾酒一杯  
有笑傲天  
風之槩

隋堤柳枝詞

蕪城煙景半妻逃翠靄樓臺遠听低楊柳自從經歲別夢魂  
常繞画橋西  
有情人不  
當如是耶  
画舫頻過廿四橋橋頭翠色沉人嬌不知佇立誰家子腸斷  
東風為玉簫  
故自風  
流不減

竹西亭畔水東流拍岸橫烟度遠樓惆悵廣陸花月不可  
翠幕不關愁  
自是閨  
閣性情

秦淮春泛

曉風新月舊京華寂寞金城春樹遮朱雀橋邊歌舞地碧波  
飛燕繞誰家  
妙在  
不着

百尺凭高俯碧流朱簾掩映遠山幽融融春晝裁詩永歌遍  
江南十四樓  
我想  
其際

浮白凭高思渺然楚雲吳水憶當年青山世事誰堪論寥落  
春歸聽杜鵑  
詩思亦  
自渺然

佟世思 儼若奉天遼陽人

寄答周雪客



定本

十載神交把袂時。帝京旋又話分離。塞雲初起沈邊雪。江草  
纔枯到水湄。寒榻病多仍斷酒。金門客久未裁詩。迷菴驛路  
梅花發。歲暮逢人寄所思。

江上帆歸信未疎。周郎憔悴近何如。風吹老竹驚人夢。月到  
荒廬讀父書。諸弟愛奇爭問字。北堂健飯喜揮鋤。門墻未許  
歌羅雀。食客當年盡有魚。

李聖芝 秋森江南嘉定人

西湖雨中舫集分韻

輕寒漠漠怯征衣。放棹冥濛坐翠微。舊雨一樽青眼在高山。  
幾曲白雲飛。披襟我欲悲岐路。作賦誰還怨落暉。汗漫風烟  
遊子屐。葛洪祠畔扣禪扉。

韓 魏 醉白江南江都籍山西臨汾人  
獨存堂詩日刪集湖上吟

九日登敬亭山同楊樹滋梅淵公汪蛟門分賦

宛溪富名勝。山水含幽潔。籬菊吐暮秋。客心眷佳節。迢遞登  
敬亭。逶迤入林樾。躡屐攀層巒。俯身就巖穴。冥冥雲氣昏。凜  
凜泉聲冽。群木既縱橫。衆峰各環列。悠然耳目開。恍焉心神  
悅。俗慮向來清。囂塵於此絕。天風吹衣裳。止我林下歇。  
日午綠陰深。杳杳似將暮。久瞻嶺上雲。復尋林中路。細草披  
蒙茸。膠枝莽迴互。千竿碧篠濃。數椽老僧住。烹泉焚妙香。抵  
掌說幽趣。指點謝公祠。沉吟李白句。荒堦竄鼯鼠。破壁穿烟  
霧。聲名震古今。山林足垂慕。俛仰谿谷間。欲行更回顧。

烟巒生 其意

慎墨堂



定本

崎嶇路更幽。蜿蜒通一綫。木葉逃離分。樓閣參差見。側足步丹梯。引身入青巘。六合蒼冥開。萬壑陰晴變。麻姑浮輕烟。大江奔匹練。孤城復何有。兩水勢如電。呼吸雲欲揚。顧瞻日已眩。開我茱萸酒。會此戲馬宴。舉觴送飛鴻。良時恣繾綣。

秀高

幾與敬亭爭勝。如是人性情。如是游山。既愁遲下山。轉愁疾松露溼衣襟。巘泉照顏色。孤雲閒

更飛。眾鳥去不息。夕陽薄林巒。暝烟散原隰。歸徑鬱紆迴。爽

氣生胸臆。谿傍葉落紅。石上苔生碧。曲磴通人家。清風吹簷

隙。安得置此身。結茅傍其側。行行復聞鐘。萬籟忽岑寂。

詩四

蒼鬱秀異全。擷三謝之勝。青蓮二十字。豈足稱雄。

題梅淵公画山水歌兼呈王湛斯鍾子夔半山大師

葯房今日廢。芸舍昔年稱。結構無多字。棲遲有一僧。山狸朝臥佛。松鼠夜窺燈。惆悵林泉下。誅茅愧未能。

二詩着意摹畫氣象都稱

夜渡秣陵關作

龍蟠虎踞秣陵關。獨客乘舟此夜還。殘月半江飛溼霧。黃茅

兩岍失青山。孫吳事業全消歇。王濬樓船亦等閒。羨殺沙頭

雙釣艇。一竿風雨泊漁灣。

點染俱極天然

靈隱寺

鷲嶺岩峩拱萬峰。半空青削玉芙蓉。入門寒仰諸天日。傍午清聞上界鐘。金碧樓臺開白石。香花梵貝繞蒼松。欲攀絕頂蓮華岫。可奈高雲處處封。

烟霞蔚蔚却饒清朗之氣

如入靈境

別李東琪

卷之二

慎墨堂



愛君家住吳山脚。我住吳山最上頭。三日未嘗踈問訊。一春喜與坐林丘。黃魚味美朝相食。白酒香濃夜與留。南北高峯一湖水。此心他日共悠悠。

大風雪行盱眙道中

春雲黯黯亂鳥啼。白草黃沙路正迷。風色北來難解凍。雪花雨落不沾泥。塞驢緩策穿林險。皂帽斜吹覆面低。我欲探梅向何處。盱眙城畔板橋西。  
寫風景殊刻畫然能盡致

破山寺

山有破龍欄常建清晨入古寺即其地

萬派松濤湧寺門。亂峰深處日全昏。上方僧定晨鐘杳。古殿香飄佛火溫。法語經聲龍解脫。山光潭影鳥忘言。我來紅葉

蕭蕭下滿地。霜華折屐痕。

筆力都高

霍山主人秋水姿。平生画癖人共知。米顛倪迂何足數。脫筆

迅速尤能詩。宛陵山水四時好。我來却值秋光早。主人開宴

坐東閣。殘葉下堦黃。未歸酒酣月出典。愈高四座賓客爭揮

毫。王郎花卉出幽致。叢菊霜寒顏色異。半公枯木蓋有神。荒

山茅屋寒江濱。鍾生古梅橫礪底。兩翁對坐彈流水。主人怪

石笑奇絕。槎枒老樹如寒餓。霜皮駁落幹欲爭。壁勢參差紙

將裂。是時觀者心茫然。眼花亂落生雲烟。燭光射處色不定。

恍忽置身峨嶺巔。君不見敬亭陵陽一片石。宛溪句溪水聲

疾。麻姑橫絕五湖寒。都入君家腕底之健筆。  
忽而風恬雨霽忽而電發

雷轟天矯森奇莫可名狀

鍾子夔携画過訪依韵賦答



塔影橫山觀風聲響急湍雲隨飛鳥没人坐晚鐘寒亭杳  
荒堞松蘿冷石壇看君好圖畫霜葉正摧殘

送汪雲聲歸荻浦予下廣陵

欲別更依依空天羨鳥飛風塵同作客江海各言歸荻浦繁  
霜冷蕪城落木稀臨岐惜分手心事總相違

遊弘濟寺觀音閣呈蒲上人

兩峰環谷口數里入松門古殿一燈暗虛巘萬佛尊江光空  
色相雲影淡乾坤坐看乘舟客風濤未忍論

吳莊在吳山背今名怡雲菴

熟覽招提勝幽尋窈窕峰入門穿亂竹撫石仰深松削壁巔  
屹立懸蘿幕屋重天然好圖畫使我豁心胸

伍公廟

荒荒落日嶺雲孤伍相祠前泣鷓鴣滿院碧梧寒瓦發一庭  
新雨長藤蕪濤聲澎湃還吞越山勢峻嶒不棄吳白馬靈旗  
時出沒至今伏臘走田夫憑弔蒼激不減宋玉九歌

毘陵絕句

呂蒙城畔夕陽斜估客停橈問酒家愛殺夜深橋上坐一江  
春月照桃花皇甫嵩詞云夢見秣陵惆悵事

黃浦紅陵百里闊春風一棹唱歌還舟人指點斜陽際一片  
青青是惠山與商人說是汝州山台壁

聞角

太平征將老頭顱三十年來骨半枯猶解招魂向寒食



鳴咽滿西湖 西湖何為有此

○西湖竹枝詞

妾住西泠九里松。郎遊湖畔日相逢。兩情脉脉不得語。南高峰望北高峰。 如此此典甚合古體

蠶豆青梅滿素磁。櫻桃顆顆摘繁枝。新茶點就邀人喫。此是

錢塘立夏時。

玫瑰花開香滿街。春風吹動女兒懷。曾向吳山許香愿。明朝

試着踏青鞵。

汪蛟門曰却是竹枝不是絕句

醉白尊人文適先生合家死揚州之難而醉白以復壁僅存乃能鏡意古業詩歌秀名之中復兼英邁為一時同人所共推天之所以報有道仁人者固不爽而醉白之克紹家風不尤稱卓絕哉予友汪子季用服其性情淵篤尤各風豎固為月旦定衡非同浮贊

夏九叙 次功江南江都人綠雪堂詩

大堤曲

郎行大堤西。儂行大堤東。春風吹乍見。當前面發紅。 真樂府

結交行

○突○然○而○起○古○甚○結交莫學三春桃。因風吐艷隨風飄。結交莫學十七月。昨日團圓今日缺。人生一世多風波。青蠅白壁當如何。君看羊左并衣共生死。千古交情常不磨。 風義入古凡為友生不可一日不佩斯言

猛虎行

南山猛虎伏溪樹。當道噬人爪牙固。黃羊白犢近山空。時時攫向平林去。行人日落不敢前。風吹血腥滿途路。吁嗟乎虎勿喜天道惡。殺爾毒不已。一朝焚林復赭山。爪牙亦在。

難喚得醒



裡吁嗟乎虎勿喜

可備鑒戒

打麥謠

急打麥。夏租促。曝日乾。載車輻。五更殘。月推入城。周行額。亥  
輓。轡聲。豈料今年市價賤。一石止賣三錢半。舉家辛苦望豐  
稔。記筭不足充官糧。丁男回家向妻哭。開箱還典嫁時裳。

張王

讀史

吳起求魯將。殘忍殺其妻。齧臂期卿相。母死竟不歸。骨肉薄  
如此。善將奚以為。曾子與之絕。聖賢重綱維。  
建儲為國本。丞相操其權。如何立胡亥。乃聽趙高言。斯欲固  
爵位。誰知命不延。東門牽黃犬。嗟嘆何益焉。天意急。秦生

論正

斯非偶然

只因保爵位之念甚深所以始  
終墮高術中人固不可不學

漢王困鴻門。危若朝陽雪。樊噲誓同死。擁盾肺肝熱。倉卒衝  
軍門。衛士皆恐懾。嗔目視項王。目眦盡為裂。飲酒啗豚肩。英  
風何烈烈。抗聲不避死。慷慨陳辭說。叱咤雖雄哉。亦為壯士

折誰謂狗屠人。此中無豪傑。

諸呂不足畏。可畏乃呂嬖。婦人竟封侯。於古豈有之。歸國解  
相印。祿產殊不疑。嬖聞拂然怒。才識非等羸。寶玉棄堂下。將  
為他人携。使嬖若男子。劉氏不幾危。酈况非賣交。討亂固其

宜。此論人所未發

漢有飛將軍。聲名振邊塞。賞賚不自私。士卒以親愛。身輕七  
十。戔數奇。不得拜天子。惜廣老將軍。陰受誠。弩力無前互。



道非其罪觀其射虎時英風千古在遇會固有緣封侯

蔡次功數奇亦不減飛將軍矣然射虎之氣自在

寄汪蛟門舍人

鳳凰被五彩刷羽翔天池駑駘非汗血寧免轅下羈與君異  
毛骨判絕終雲泥雲泥雖間隔寸心諒不移憶昔同學日風  
雨同拏帷燒燈咏春草把酒剪秋葵清譚瀉珠玉勢如長河  
垂洗耳一靜聽勝食紫靈芝余亦間揮塵終覺神氣卑乃知  
謫仙人標格非等羸數年果釋褐馬首青雲飛出入明光殿  
賡歌絕妙詞握蘭時寓直香篆護朝衣所當賦羔羊退食常  
委蛇叙也實樛櫟濩落無所施朱顏改明鏡皂帽枕荒籬平  
生耻雌伏那及屠沽兒季子黑貂敝甘受兄嫂欺買臣身負

薪得無羞故妻釵釧久鬻市鷓鴣典無遺堂堂七尺軀忍視

八口饑卷書並裁褐繞膝多嬌啼今年添黃口廣額且豐頤

未必高門戶翻增老大悲鄰家富燭天棟宇塗蛟螭綺羅曳

輕霧車馬碾雲旗華筵萬錢值下箸恣驕侈雙鬟奏仙曲長

跽捧金卮殘杯縱相喚握手終自疑因茲成寡合閉戶自詠

詩舊遊滿邗江寒暄空面辭難救溝壑辱轉為輕薄啞破悶

坐秋樹目瞪浮雲遲過從賴伯兄謂叔每慮我顛危葛蘿根

蕾弱幸庇青松枝前月把君書涕泗感心知拾螢總無益穿

榻徒歛歎朝來毀螺黛不復画蛾眉人生貴行意安事一室

為孟嘉入蓮幕阮瑀參軍麾雖非古豪傑壯志還追隨鉛刀

尚一割老馬或堪師若無先容者輪困安足奇君為人

○以幕下自見○豈不可歎

才人○不遇而思

謂叔

此中見品

○謗

○良○然

蕭○豈○語○豈○堪○多



門上重虹蜺毋令山嶽意獨為管鮑私願布春溫氣起

雪姿何讀叔定寄蛟門五言長篇已為蕭撼乃次功更有十倍于此者蓋英雄坎軻不覺自寫其情之悲也其

詩頓跌老放起結精嚴層次詳晰真如蛟門所云可與少陵五百字並傳

寺晚東既公

○二○氣○蒼○莽○法○律○更○精○薄暮寺逾寂春寒雨細飛鐘昏千鳥亂松暝一僧歸久覺住山好何妨入世稀知君採薇蕨應不為朝饑

歲暮雜感

○真○氣○逼○人○屋上聞烏哺燈前憶老親十年未封墓七尺耻為人挫薦辛勤在研硃手澤真椎牛能祭否骯髒阮生貧至性之言令人感泣

陶季深自楚中歸

長沙久作客心事幾人知酒醉屈平里詩題賈誼祠江籬春

水怨湘竹暮山悲且願同耕稼天涯未可期高健

姜雪蒼祝髮同張瑤房分韻贈之

郭門滴淚塋慈幃祝髮辭家去採薇已報老烏應自立不歌○自○然○入○調○朝雉只孤飛軍持此日隨雲往華表他年待鶴歸媿我餘機

猶未息浮生空嘆柳成圍詞意俱足

送汪左巖遊白嶽

平生素有看山癖石室天門我所思登眺幾年烽燧阻烟霞此日友朋私紅來馬首知霜葉青出林中認酒旗君到故鄉丘壑好懷人先寄紀遊詩詩在中晚之間

送王阮亭先生入都

蒹葭訪釣磯漁樵歌詠有光輝星軺計日金臺去



人重布衣  
作多佳矣而寒士不感此豈俗之一字可盡故此事當推阮亭

午日竹枝詞

沙堤鉦鼓沸如雷  
近水人家草閣開  
大婦回頭喚小婦  
烏龍方去白龍來  
與劉賓客音調極合

白蘋洲

白蘋洲上白頭波  
柳暉江南曲不磨  
為問吟魂今在否  
月明打漿女兒歌  
風流婉約令人可思

聽張老琵琶

鸚鵡杯斟放手遲  
琵琶嘈雜耐尋思  
渾忘今夜揚州月  
如聽湘江細雨時  
此為善子聽曲

碧瀾堂

碧瀾榜額滿雲烟  
一代香名百代傳  
此後品題凡幾換  
風流唯說杜樊川  
可見地以人重

韓醉白遷居

劇談嗜酒總天真  
屢夜書聲駭比鄰  
那禁胡牀來靜聽  
須知離落有奇人  
令我思張鏡

禪智寺雜咏

青樓薄倖斷腸詩  
小杜精魂尚在斯  
歌吹竹西俱寂寞  
新鶯啼上碧桃枝  
黃鸝飛上野棠花與此并傳

九日懷陶季深

白馬湖邊稻蠟肥  
青江浦外塞鴻飛  
故鄉新熟重陽酒  
五柳上歸未歸  
古調



題画

洞庭九月雁飛初。荻葦蕭蕭紅葉疎。漁人泊艇此信宿。手燃

楚竹煮鱸魚。

饒有風韵

萬曆間有孝廉夏二酉先生以風雅倡起江淮間今夏子次功其嫡孫也十歲即應聲能成詩耆舊嗟歎阮亭王公理維揚欲振之青雲未即如願今豈無韓歐其人者乎詩集最多皆極高邁惜不能多梓為悵耳

饒

看

白看江南江都人芝山集

贈汪蛟門舍人

樹有同棲鳥。喈喈鳴園林。一鳥忽翻飛。羽毛異升沉。汪子同學友。兄弟美璆琳。結交二三子。風雨論古今。君方鮮霞舉。我亦初日臨。六翮期養就。雲霄愜夙心。君才自十倍。矯翼衆所欽。釋褐茂大猷。秘閣躋崇深。天下兵火後。蒼生望甘霖。似爾

瑤璋器允諧。鸞鳳音顧念蓬蒿。資時時貽好音。嘉言再三讀。良足比兼金。何能振淹滯。頡頏蘭渚陰。

全做陸平原

夏次功讀書謝墅却寄

世人交態薄。與子誼何深。百里成今別。十年同此心。孤鴻號野水。亂葉下空林。去去應相憶。明湖霜月侵。

如此結法極穩重

送宗定九還東原

老甚東原六十里。幾度送君還。楊柳春風岸。芙蓉秋水灣。城中常不到。野外得高閒。羨煞幽居好。吟詩萬竹間。

一往見其蕭寂固是高流

送陶季深之閩中

神似高遠夫欲成他縣別。暫宿故人樓。今夕燈前酒。明朝江上舟。武夷楓

似蕭疎



春日紅橋泛舟同沈方鄴汪叔定蛟門

二月春光洩柳條東風兩岸草蕭蕭却宜鼓棹隨流水正好  
看山過小橋隋苑花殘誰駐輦迷樓月滿罷吹簫登臨無那  
興衰感十里雷塘極目遙  
一游燕輒具興衰之感  
才人胸次徃徃如是

送王阮亭先生之金陵

金陵自昔帝王州弔古頻移青雀舟兩岸曉烟縈弱柳一江  
春水漾晴鷗石頭城老烽烟盡木末亭荒野樹秋獨是謝公  
懷抱勝六朝風景望中收  
不復作宦情語  
固自風期歷落

舟過宜陵

宜陵渡口夕陽斜門掩空林第幾家愛殺綠楊最深處軟風  
吹綻碧桃花  
晚唐  
佳境

題畫

雲烟漠漠老諸峰橋引幽溪路幾重細聽泉聲流不住碧波  
清淺浴芙蓉  
筆情  
幽曲

白眉與夏子次功徐子辰玉皆阮亭民部所特賞者不獨  
工制義而兼擅風雅之長固一時之秀傑詩篇甚富秘不  
示人予從蛟門處得  
其數章亟為付梓  
范國祿 汝受十山江南通州人

集送曹學士歸嘉善沈文學歸宣城

氣寒天欲雪游子懷酸辛結束將何之繫纜江水濱把臂試  
相送欲別意轉親解刀無脫穎折柳須早春殷勤不及贈聊  
復進清尊清尊寧易盡絲竹交橫陳行樂宜及時言念徒傷  
天地一寥濶爾我皆勞人良晤豈有定感此相依因



名醫處凌風屋吳山何迢迢宛水何瀾淪千里手  
勉旃矢克循此種詩最近建安以其骨勁調響

白螺山謠

蜿蜒汨汨宛如螺乘陰入水狎浴波波溺人家不得竄化為  
魚驚將奈何江西書生雲水侶指點堪輿只一語對岸臨湘  
有鴨欄日日江邊待食汝正是謠體

王阮亭使君署中題抱琴堂

嶧陽鳳老梧桐枯彼美不作知音疎撫絃吾自愛吾癖高山  
流水無處無長安年少太多事碎却千金博一戲若被當時  
肉眼看聲華那得騰都市西山爽氣浸冰壺坐倚檐牙拭靜  
娛橫膝能令天地濶睇視一切如籛廬悠然身在畫圖中解

其故者今司農謂曹侍郎秋岳我來有意破閒寂指上無聲

風入松妙在不涉官衙一語

水繪園

池上月陰陰園林覺更深秋情深不盡露氣暗相侵鳥自忘  
機宿虫如抱苦吟客床眠未穩消受費思尋神情殊不近人

泊東江腦

路出東江腦舟迴巨浪間一帆斜向北兩岸絕無山秋色何  
從好詩情許暫閒遠天看落雁帶月下前灣詩思最清

漢口遇楊護軍至自河池

吟秋策蹇入潼關歷盡羊腸踏雪還天下險無如棧道世間  
過春山舟隨漢水東流便指顧秦雲落日閒贏得



客羈愁相見重開顏

意緒自轉

聽金生度曲

傷○心○凝○碧○池○頭○曲○浪○說○梨○園○老○樂○工○今○日○尊○前○親○拍○板○開○元○

遺○事○想○流○風○

落花時節又逢君是此種情緒

徐無爲

初隣浙江山陰人

雁門曲送客之大同

雁○門○關○外○長○征○客○雁○門○山○前○雪○花○白○寒○風○十○月○塞○艸○黃○亭○障○

蕭○條○少○行○跡○羨○君○匹○馬○行○并○州○清○笳○吹○月○生○邊○愁○千○山○半○入○

平○城○壘○一○劍○還○登○代○北○樓○深○夜○沉○沉○動○離○酌○余○亦○平○生○憶○沙○

漠○莫○道○書○生○意○氣○疎○籌○邊○自○許○多○雄○畧○塞○外○邊○聲○那○可○聞○望○

鄉○臺○畔○幾○思○君○遙○知○樽○酒○軍○中○會○草○檄○論○兵○總○不○群○

嘉州東川

有此飄逸

孫宗元

鼎乎柳下山東淄川人南遊草

秋日同姪孫樹百舟行

刺○船○振○舵○走○長○河○水○店○沙○橋○此○重○過○不○改○滄○桑○雲○滿○眼○何○來○

城○郭○雨○連○簑○鴻○飛○暮○雪○催○梅○信○風○捲○江○聲○入○棹○歌○同○姓○古○敦○

吟○杜○句○驛○亭○剪○燭○夜○情○多○

筆墨矜貴

憶弟

惠○連○書○報○旅○魂○驚○憶○弟○清○宵○夢○草○生○萍○泛○無○休○鄉○思○遠○桃○溪○

憶○舊○壯○心○平○澗○聲○漱○石○空○飄○繫○松○影○埋○雲○一○杖○行○聞○道○終○南○

及○捷○徑○差○將○短○髮○寄○簪○纓○

全入少陵堂與却不襲其皮毛固佳

目金陵返棹維揚



愁坐於情孤。見兵戈送老儒。故國八哀人物。

三殿黍離圖。金天夜靜揚州月。銀海光寒高士湖。肯效枚臯。誇草檄。鳴夷傾倒酒家壺。

磊柯而英多

懷歸

夾谷三臺夢裏家。干戈阻絕客天涯。何年淚落新亭酒。此日籌量道濟沙。難效鷹鷂勤遠畧。肯隨鷓鴣戀紛華。簪纓蘿薜從時尚。且坐江頭逐落花。

想見落

寓天寧寺杏園

東海揚塵辨劫灰。心勞形役幾徘徊。樓吟詞賦非吾土。地遠旌旗有客杯。老樹應隨寒月落。招提喜待故人來。懶迎冠蓋容疎放。閒步禪房鳥雀猜。

無一語走入平易却又格法天然

湯彭年

石臣江南江都人長松閣稿

泰安喜雨

○樸○老○山○東○三○月○早○今○日○始○聞○雷○雨○過○峯○尤○翠○風○狂○沙○不○飛○施○霖○誰○作○楫○解○慍○可○忘○飢○極○目○江○南○近○西○疇○願○總○違○

塚庄步壁間韻

○攬○轡○尋○村○店○青○山○左○右○分○一○椽○新○蔽○雨○四○壁○舊○穿○雲○野○老○談○時○事○殘○碑○紀○舊○聞○長○途○難○遣○興○把○酒○對○斜○曛○

宿遷道中

○二○氣○奔○注○百○里○江○南○路○黃○河○入○望○悠○歲○漕○千○艘○密○烟○火○一○城○稠○淮○水○從○南○會○湖○光○隔○岸○收○廣○陵○雖○覺○遠○到○此○已○忘○憂○

此詩與象精義俱備

宿紅花舖



牛天下經年返故丘，朔雲猶漠漠，淮水正悠悠。  
○佳甚○  
茅屋層陰透，細流江南風景近，來曉踏沙遊。  
絕似孟襄陽

初秋飲越辰六齋中步韻

數載江南路，愁來鬱未開。瞻天偏畏日，望雨喜聞雷。  
牧笛含烟細，漁舟帶溼來。良朋今夜聚，不醉莫言回。  
驅染烟墨何其調適

沂州道中步汪蛟門壁上韻

策馬青齊道上行，蕭蕭千里倍關情。故園松菊荒三徑，浪迹風霜老半生。  
官吏河干呼驛馬，流移路左挈啼嬰。誰將收拾奚囊內，鄭俠丹青帶淚傾。  
按切實事不僅描摹景物

蒙陰曉發

平沙曉渡板橋紆，明月隨人逐隊呼。路近龜蒙啞季子，車臨

堂阜吊夷吾。荒村烟鎖秦碑沒，古雉雲迷魯殿蕪。漫向里人

詢往事，岱宗匹練渺東吳。

更實典雅

泰安雨中曉發

倦遊北道怯晨鷄，細雨濛濛溼馬蹄。雲暗不知紅日近，天低疑與泰山齊。  
長城古驛迷荒谷，野寺殘碑隔淺溪。最苦連宵餐麥飯，蒼涼四壁不堪題。  
○終然自合○  
疎秀

劉智廟夜雨

征途幾日困黃塵，却喜秋風送暑頻。夜雨乍晴旋問渡，荒村無味強留賓。  
黃河古道沙猶積，曲鹿平原路未真。攬轡可勝桑梓慮，江淮十載屬波臣。  
直是真樸不假粧飾固已絕人



○黃河天上來孤舟却自宿遷開輕風拂面迎江

○催人訪釣臺烟火萬家需砥柱舳舻千里接滌河停橈却望

長淮月故國烟光足舉杯老氣縱橫覺筆墨之外都有餘勢

○仲秋舟行即事

若為尋秋愛遠遊甘棠雲樹晚烟浮西湖光射如鈎月北雁

聲迎一葉舟讀史漫翻千古案吹簫獨引故園憂客星到處

皆知已暫解金貂把臂酌胸次高人一籌故語無凡俗

白溝道中曉發

年來踪跡滯神京此日金羈認隊行雲樹行行遮故道棗梨

處處冒荒城微風撲面沙能舞蕭寺鳴鐘月未生漫道敝裘

難適意長途且喜一身輕如幾經錘鍊却以無心出之

舟泊連窩驛

連窩兩岸少塵埃薄暮鐘聲咽古槐燈影不隨帆影去波光

頻送月光來于虛處寫景極其靈活

○盧溝橋有感

帝城春樹望蒼茫山自閒今水自忙鹿鹿往來因底事橋邊

獅子問滄桑絕警

○舟行晚景

湖光澹澹晚烟融日下西山月轉東斗酒細鱗消永夜輕舟

斜掛滿帆風筆底容與殊入樂境

徐善敬可浙江嘉興人

寄曹次岳司農



臨荒外旌門未可攀。駒駘輪互市，鴻雁欵重關。  
瘼在千家涕淚斑，更堪頻水旱。既脫統蘭山，  
有裨邊計之言。

李良年 武魯浙江秀水人

送俞右吉赴邊

爾覓雲中使，西行出漢關。酒徒今寂寞，宮闕舊追攀。  
代女工清瑟，燕姬墮玉鬟。客行無不樂，何事損朱顏。  
筆意全近樂府

徐弘炯 長旭浙江嘉興人

送客之大同幕府

西北古雲中，川原屬大同。邊花銜鐵騎，朔雪舞雕弓。  
幕府書先奏，轅門客乍通。營平上才略，端藉運籌功。  
絕似太白讀之令人看飛

舞色

席居中 允叔遼東錦州人 卧石山房稿

感興

家貧雖落魄，儒冠良不賤。長揖任狂生，踞洗不敢見。  
助秦攻天下，斯言良可念。往往才知人，有術能自薦。  
無乃棄縫掖，徒然事征戰。  
酒徒固不可輕視  
意不滿權貴，伉直從有聲。避席肆罵詈，緣酒以為名。  
何知有程李，中心忿不平。相知乃恨晚，引繩為批根。  
既已聯聲勢，投報輕死生。翻手為雲雨，哀哉愧世情。  
灌夫雖無術而不遜乃始終念魏其此意

可感

孤松歎

崖邊千尺鏡，支撐怒突還。蟠屈冷風慄，冽飽冰霜。



老日月嶽嶮泥壑苦陰森崩殞欲壓厯浪侵枝

○澹色搖撼亦成悽惻吟匠伯過之了不識恐辱斧斤置路

側材且臃腫難青黃不材為薪有樗櫟材與不材無足數棄

絕只與巖石伍無何六月雷雨來奔騰忽作蛟龍舞高可沒

雲霧淡且潛海底乾坤不得留鬼神敢輕指從來巨物最堪

驚遭時不得其沉淪廣漠之野無所營堅凝獨抱全天真世

人只愛尋常耳且任盤空翠黛生士有嶽崎歷落而為俗流所侮者何以異是得

此快筆抒寫  
令我狂叫

### 友人招遊上方山

諸君移畫舫邀我上方山自○然○細雨橫塘渡微風七塔灣林深鳥

語異峯靜客心閑更愛湖光好籃輿度小關閑靜中偏得

### 喜雨

凌晨雷雨過園徑轉蒼蒼秀○溜急穿巖石烟深到草堂紅零花

滿地綠壓竹依墻且愛無炎暑絺衣倍覺涼

### 秋晚訪黃僊裳於華藏菴小集偶賦

訪幽東郭外漸次入煙昏細雨籬邊路新秋樹底門時能成

促坐隨復倒清樽自愛過逢處禪榻隔世喧天然  
梳掠

### 冬夜

虛堂成悄寂清漏已逡巡靜極翻千慮愁多祇一身兵戈銷

歲月蓬禍逐風塵此際還堪念良朋暫與親

### 生日寫懷

雖有志○遊○徵○未○休○兵○懶○放○惟○終○日○蹉○跎○已○半○生○老○健○



猶復見名尸。暫向邨居裏。宛幽遠世情。

杜老杜

春日郊行

戰伐何年歇。憑岡起舊愁。乾坤情浩浩。今古事悠悠。細雨催  
遊舫。斜陽對酒樓。踟躕無限意。烟月認揚州。

高老復  
葱倩

東行田家雜詠

村深餘竹樹。濃綠映成圍。隔壠驅牛出。平畦遶雉飛。水聲喧  
淺澗。山色對柴扉。野老當檐坐。長歌心事微。

滹沱河

大河苦見朔風吹。捲雪排雲撼蕩時。震地金戈懷麥飯。拍天  
波浪說冰澌。乾坤自闢經流險。今古長憐問渡遲。千里恆漳  
來汨汨。荒原落日漫凝思。

渡易水

古跡遙聞此。暫過白楊衰。草冷長波時。逢雨雪。征行苦地近。  
關山感慨多。壯志復離悲。太子羽聲流。涕送荆軻斜。陽欲渡  
還留戀。且向吟鞍弄短歌。

津門晚泊

孤颿風定落津門。斜日天涯亂水痕。不斷嵐烟山勢繞。相連  
紫塞海潮昏。帝城漸隔辭塵壒。鄉國經思苦夢魂。暫把清醕  
銷旅况。篷窗虛寂不堪論。

春日遊禪智寺

風爛熳。花開日。為愛禪栖到野壩。入寺細烹泉水白。隔江  
風爛熳。花開日。為愛禪栖到野壩。入寺細烹泉水白。隔江

智○風○景○  
丞山青曾聞學士傳碑碣。且共殘僧說梵經。幾



石鶯聲啼斷不堪聽  
絕妙風韻

將遊鄧尉山不果

澄湖森森澹無涯  
鄧尉峯巒世共誇  
穿石逕皆通澗水  
到邨人盡種梅花  
幾探遊蹟聞名好  
欲挂輕颿惜路賒  
雨雨風風多少恨  
客懷正自戀烟霞  
詩亦烟姿玉色

寄董閬石蒼水兄弟

今日雲間稱二董  
不殊洛下舊機雲  
騷壇灼灼誇連璧  
上苑翩翩推冠軍  
邗水月從閑裏看  
華亭宦向夢中聞  
秋風預擬開蓮漿  
應覓尊鱸佐酒醺  
格超而才艷

西山道中

西山帶郭迢迢路  
指點岡巒漸欲高  
明月夜簫流野水  
玉鈎

春逕長蓬蒿  
最關情緒惟花草  
暫供悲歌藉酒醪  
丘壠牛羊隨處是  
松楸瑟瑟向風號  
固有無窮之感

寄懷黃僊裳

近來鄙吝真無似  
契濶經年夢未收  
鎮日相思惟叔度  
隨風輕遞少扁舟  
應添詩句千篇好  
曾為交游幾處留  
滿貯香醪縣竹榻  
莫虛吟嘯舊登樓  
全以格力勝人

贈朱長孺

高隱從知吾道尊  
一生自許老丘樊  
由來歲月惟耽學  
如此乾坤合閉門  
蹤跡久同綺里季  
詩篇絕愛浣花邨  
迢遙道里魚香長  
向江干損夢魂  
移贈他友不得是謂真詩



好處愛登臨百尺層岡此地尋城郭亂餘悽在  
此句更○深○  
何故最關心曾聞才子沈冥跡肯少遊人忼慨吟寂寂草堂

經歲月一時惆悵入林深  
愛其  
蘊藉

孝威過寓園留飲和見贈韻

習懶東遊也閉門綠楊離畔似山邨久知樂土一枝好况遇  
騷壇四海尊杯裏搖青疎竹影徑邊堆雪落梅存予歸君亦  
維揚去不用河橋黯別魂  
情致嫣然結  
處翻得最妙

寄懷蔡九霞

荒涼西第夕陽存此日忠貞有子孫短簿祠前停画舫桃花  
○確○切○  
塢裏認衡門去年芳草蘇臺換幾度秋濤楊子喧兩地別離  
勞寤寐篋中盈寸積高言  
深情  
老筆

懷周子俶廣文兼寄雲間諸君子

海陵歸權顧衡門滿座吹吹醉客喧方壻藜牀迎國士忽搖  
画槩出江村薰風峯瀟韶光換絳帳師儒講席尊日下雲間  
才調盛新詩倘許一評論  
子俶風流倜儻極似徐  
亦史讀此詩令予寤歎

答徐松之以詩見寄

溯洄幾度起相思海內風騷賴主持標格足為吾道重胸懷  
真與古人期黃金恨少能酬客白髮愁多苦輯詩迢遞一編  
勞遠寄交遊倘不辱追隨  
中有雁菴  
呼之或出

寄懷黃門王北山先生

傳道廣覺情親贈答長霑紵縞新南國盡為門下士北書  
弄間人調高日雪翻吟句名附青雲切隱淪偶次



為相思河津  
北山先生虛言古  
道此詩畧見一斑

海安鎮晚泊

村鎮臨河淚。程塗入海鄉。舟燈聊共聚。野氣落蒼茫。

寫荒落最

工

途次雜感

亂後亟更遷。傾圮沒城郭。蕭條落日西。小邑圍邨落。

此言地震地

後之

保聚結朋儔。相呼過林莽。祇恐羽箭來。前途不敢往。

北方那得

此不畏

題画

斷岸臨深秋。坐倚蒼蒼樹。天末染微藍。還有入山路。

画妙

紅花埠

馬蹄清夜踏寒空。日日征衣裹朔風。無限翠微凝望處。于今

身入萬山中。

是當境語

過新泰縣

宮山一帶翠連綿。馬首荒途立暮烟。悽斷武皇行幸處。春風

歲歲冷鞦韆。

義山復起

趙北口

河流冰滿白漫漫。悽絕斜陽極目看。最是北風禁不得。雁聲

吹冷下沙灘。

讀罷令人冷

謝安宅

走龍文

正亭隱隱散香花。遊人莫謂成禪文。



太傅夢 爲多 有關係

舟行雜詠

羈心偏見暮雲垂。又是前邨落照時。悽絕大河堤上墓荒烟。  
細草沒殘碑。此一樹繁華對古墳各有其妙

仲春聞黃鸝聲

鶯啼二月似江南。幽客經聞靜可探。晴日不知聲近遠。碧烟

一帶柳毵毵。妙在即離之間

試新茶

嫩葉纔成露未乾。春風細摘碧瓚瓠。甌香欲試思縹緲。領取  
孤峰絕頂寒。是真于既香色嫩中領取妙味

先叔家有藏書門無雜客賦詩盈尺美備諸家戊午以全稿示予因採其尤異者公之解內實未足盡先叔也

李杰 若士奉天遼陽人

題邦江女子畫墨筆蝦蚶小冊

是物有生意。以我爲噓植。心焉入杳渺。拈之任腕力。神明于  
筆端。不借資顏色。蠕蠕若蠢動。欣欣向榮亟。造化本無爲。含  
靈在頃刻。繪風且不難。何況有知識。冰霜淨聰明。養茲一丸  
墨。脉望終神仙。精微莫可測。無畫家纖巧之態亦無閨禱粉膩之容說出妙理靈心令人絕

人絕

蓮池觀劇

池上列壺觴。名柯綠映廊。冶歌宜白苧。妙舞入霓裳。酒不須  
口花寧似六郎。雨來疑百和。翻怯晚風涼。都人輕妙

卮言 送春帆



燕臺原

全情聽唱折枝詞愁看一碧迢迢

水風咫尺移映帶韶光如画裏傷心南浦即天涯應知別後思公子記取臨流脉脉時

字字熨貼而風神則如張思曼當年

吳閩啓

且門江南無為州人

文山雜興

海國春來萬景遐招春三月未還家青松白石常如此芳草

黃芝間露芽才聽牛歌初動地頻分羽檄促開衙東齊一望

無驚犬足稅風前笑插花

如此為吏奚減桃源詩特秀蔚

范

遇

廉夫江南通州人

長安羈旅行

一日不啓幾數日難出門長安重聲勢落落誰與言朝來車

馬過貴人相見存好名資交游顏色仍不溫勉力起送客追

隨殊失倫別去不復念嘆息何足云古來稱賢豪豈獨為恤

貧自是千石所感在知已緇維平原君

長安聲利之區被廉夫一眼覷破可使妄心都盡

塞下曲

太平天子罷煩征厭聽書生說請纓都督遷為宣撫使將軍

築有受降城輸邊歲幣充錢貨訪古屯田寓甲兵自是廟謨

關氣運不須關塞立功名

止戈罷戰原屬盛世之風

方

熊

望子江南歙縣人清和堂詩

渡淮行示八弟

一○篇○從○此○一○句○起  
左余行行且止止渡淮正值朔風起河干佇立水拍天鴻飛

有下

弟善慰愁最愁眼中吾老矣生



書會

知已去歲炎蒸涉章貢今年

而胸中怍怍不可言行路難行信如此故人長安許分俸中

我心情抱欣喜胡為從之道路長丈夫白手徒徬徨得汝同

情復同調開箱示我新文章行間既已中法度筆底神速更

莫當頓豁我愁開我目如此才華豈終藏屈指平頭小十歲

又見兒女皆成行會看名位可俯拾前人有美能繼揚底事

羈旅心慄慄莫言文事兄擅長窮愁羈旅中却得見弟一番喜慰一番勸勉真是

天淮  
快事

至日

世說陽生從至日好因愁去慰今朝凍雲渺渺光凌亂寒鳥  
飛飛影動搖氣接梅花千里外天荒榆塞一身遙全憑人事

風光轉借取金尊氣沈寥

送許文侯南旋

未得干戈稱偃息敢將文事問蒼天筆○步○盛○泉○秋來震澤迎歸棹客去

金臺惜別筵遊屐已經燕趙好題詩皆羨弟兄賢燕趙好酬唱

鄉園日染翰須盈九萬牋淡心行以樸致

方兆璋原名夏寶臣江南歙縣人

立春日訪陸高士

落落寡所合飢寒常畏人世運值亂離更○深○勉受苦辛鶉衣經

百結九食度三旬混俗居市廛此意矯隱淪欣喜有高士密

心共比鄰寒暄數往來耳目絕囂塵抉理析陰陽卜筮論君

存真淳篤念久困窮屬望致要



相視而一笑天地同生春  
而道

于言  
表

入夜

入夜寂無響張燈獨閉關漸知精力進頻把舊詩刪煖酒旋  
此○是○樂○境○  
煨芋歡心引笑顏一生吟興好自不負名山  
此境恐未  
易消受

密公新院落成予適過訪因贈

倚石開新院當門面好山到來生妙悟坐久識清閒語必飛  
可○想○  
花雨吟偏動佛顏肯容吾放眼臺上一躋攀  
浩蕩滄江濶嗟峩絕巘奇偶乘今日興半似昔遊時舊樹撐  
簷出新篁帶笋移短垣須亟補莫使北風吹  
撐字新而穩  
二首有氣骨

移寓留別汪匪我

誰能定覓紙題詩染淚痕  
淒楚不可讀  
却音節鏗鏘

寄施愚山

才名久已動中原歸臥東山道更尊座上何人爭刻燭花間  
無日不開尊春陰壘嶂雲生戶水滿雙溪舫到門謝氏芝蘭  
今正發鸞書應自下江村  
秀絕如遠  
山眉黛

送友人之盧龍

君去盧龍悵別離依依楊柳道俯垂雞鳴古驛殘星斷馬度  
嘉○州○勝○境○  
空山落照遲碣石雲生迷遠嶠灤河春煖下流漸遙知孔翰  
相投日又是風吹塞雁時  
典則又  
風逸

春游漫興

陰天氣絕可憐啼鳥自愁暮雲重  
筆○意○動○峭○



歌興已矣。登山臨水意惘然。

烟樹題詩空憶秦淮船。

秋懷

霜清月白雁孤鳴。况復砧聲滿帝城。為問年來兵燹後。幾家不動別離情。

語淺情真

登妙光閣閣為合肥龔夫子所造題壁尚存

朝回乘興即空門。詩在青山酒在尊。一自乘箕人去後。烏啼

花落幾黃昏。

裕親王園

時為闢者所阻悵然而返

爭誇舞榭與歌臺。春色何如天上來。聞說梁王遊轍少。滿園花樹為誰開。

正自旋時

勝地歡相聚。年來又一年。平生江海上。異姓弟兄賢。出處嗟無計。飢寒苦播遷。德星何日照。大被共高眠。

純是真氣

雪

萬里同雲一色天。雰雰降瑞兆豐年。生成大地皆銀海。種盡群山總玉田。畫閣朱樓紅勝昔。瑤階瓊樹白于前。先生高臥親圖史。照夜何須太乙仙。

迷離愴恍。雖有聲彩絕去。離餘居然大家。

同顧樵水閔湘人杜蒼畧黃仙裳潘雙南鄒乾一程未能曹子石巴尊三夜集最樂園送黃九烟先生還吳

興

落落風塵隱姓名。相逢相識倍含情。濁醪興味欺霜信。列炬窮鄉思切千秋人。老壯心驚留。



私送行

九烟落落難合而于  
針芥之親寶臣其有同心

邢江重遇十六弟

歲歲相逢笑故吾春霜漸染白鬚鬚  
潛龍不見騰霄漢老馬空勞識道途  
欲繼冠裳傳盛業頻傾樽酒話艱虞  
關心為問鄉間事望斷慈烏未返哺

骨肉窮途言之溫昵

晚歸

夕陽西下亂烟光怕聽人歌水調長  
燕子有家三月暮汀花無主四時芳  
閑心不逐波心動逸興全因酒興狂  
回首城東休涕淚繇來戰壘歷興亡

全首蒼勁結更有渡心

徐元夢

善長蝶園順天籍滿洲人

怨別離

九月十五夜偶題

碧天如洗靜迢迢明月高懸照寂寥  
正是悲秋清詠罷誰家庭院又吹簫

光景可懷

贈日者

將軍甲第賀新成廷尉門前草又生  
木槿榮華看已慣嬾將身世問君平

牢騷意借題發出

送人再遊越中

春到堤邊草自生風帆又向越中行  
沿溪候吏今應少惟有雲山不世情

世情可感

傅爾都

大文問亭滿洲人恭壽堂集

見懷却寄



有吟悠悠東去水不及此情  
句酬茲太古心來宵新月上對爾再彈琴  
蕭蕭自遠

咏懷

朝為農家田暮循漁者溪悠悠黃河水真源流向西山川尚  
如此世事安可期東鄰撲棗婦舊日王侯妻安樂既已矣勞  
勞那足辭  
世事往  
往如此

披萊覓高士暮歸霜滿天東山月始上萬籟已悄然花氣滋  
秋露漏聲滴夜泉思就壺公宿凌風與共還  
古與不似  
近今之作

少年行

公子西來意氣高青絲籠繫金葡萄花街來去玉驄緩揚鞭  
下郭鳴蕭蕭調箏挾瑟趨紅橋金丸打柳中百勞  
似齊梁  
人樂府

古意

皎皎當窓月夜夜清輝苦只向長廊照歌舞不向空房憐綉  
素空房有女玉為質薄倖經年杳音息砧殘雙杵韻淒淒花  
謝東風少顏色芙蓉繡冷雙鴛鴦誰言七十二成行  
情交  
交至

其結胎在  
于樂府

中秋遲友人不至

白蘋紅蓼點汀洲挾瑟搗箏對遠樓半榻砧聲疑素手一簾  
桐影晃書幃胡牀佳興實難已梁苑高懷未易酬一夕清幽  
誰與共月明沙上起輕鷗  
清潤而中  
有老氣

等曙

晨無復報嚴更中庭地白愁難



共○戈○安○撫○日○千○家○砧○杵○別○離○情○勞  
耕○犁○地○南○阡○何○年○罷○戰○爭  
其胸懷大是異人  
而筆力最健

送隨義文奉使監牧口北

鴻雁分飛塞草黃一聲嘹唳度橫塘樽前顧我酌三爵去後  
思君賦幾行玉壘雲淡堆苜蓿銀蹄秋老破風霜居庸翠湧  
千峰秀定有題詩貯錦囊  
詞調壯麗而筆自流逸

西湖曲

春滿平原花滿溪綠楊隨處有鶯啼溪邊若更添桃李宛似  
蘇堤與白堤  
自然入調

是處垂楊蔭碧莎橋邊驄馬玉為珂芙蓉波起香風細吹入

仙郎錦鞵多  
淹潤

秋感

金天颯颯落丹楓塞北黃沙攪亂鴻慘淡青烽猶戰壘蕭條  
白骨只秋風猿啼哀峽千村怨草沒荒郊萬馬雄何處清砧  
敲永夜關山月照北邙空  
難其英壯  
史爾沈切

鄧勸相  
方回冠城係舊山第三子  
文選樓稿

天童寺

筆如虬龍  
萬松圍古寺蛇徑勢迴環日黑長疑雨雲陰欲變山仙禽穿  
澗浴翠竹繞亭間極目窮滄海森奇任意攀  
筆意奇鬱

廣陵奉贈杜茶邨先生

青山未買欲何依閱歷溪緣事事違江海兵爭耆舊盡風塵  
鉢傾冠蓋喜共論心只布衣浪市



身經喪亂困干戈。此日行吟意若何。滿地軒車誰顧問。一時屠釣好相過。黃金路盡頭全白。老驥歌殘淚自多。却喜風騷猶未絕。一時高調起巖阿。

句句說着茶邨心事不獨才調之美

附杜茶邨答贈之作

杜濬字于皇別字茶邨黃岡人

立言未稱平生意。先輩知余感最深。豈獨過庭諳野態。似聞移石見愚心。兔置龍虎繇來免。豈獵熊羆敢自任。恰與笑人高密遇。還搔白首一沉吟。

老氣橫厲

三十年前交若翁。英詞磊落萬人雄。看君下筆光家學。歎我將騷代楚風。栗里酒推陶令醉。河梁詩薄李陵工。吾衰莫效瓊瑤報。惟有憐才意不同。

淡情厚道具見二詩

戴文柱

景韓江浦休寧人

暮春夜聞鶴有感

○起○法○極○老○  
花事過殘春傷心。是客身雙親無片土。一子尚依人。已聽鶯歌暗。還聞鶴唳頻。聲聲驚旅夢。臥起只沾巾。

意酸而筆老

程次桓招集寓齋同黃僊裳諸公分賦

起看燕子忽成巢。又見煙迷遠樹坳。命酒欣逢大小阮。題詩敢附蕙蘭交。風搖幾片殘梅影。月暗三更新柳梢。寒食到來仍上巳。尋芳還約步青郊。

神骨極秀押險韻都無痕跡

春日與陸端木方宗子程翼天對酒言懷

一春心事又如何。荏苒流光付擲梭。纔見曉春吹岸柳。旋驚恨壺觴少搔首。誰憐感慨多櫻車。



漁歌

清思俊謔  
幾欲過雲

俞錦泉中翰舫亭觀劇

又當歡劇總難醒，人坐孤篷月一汀。  
柳色依依垂画檻，荷香冉冉透疎櫺。  
乘槎真聽霓裳曲，解珮如逢洛水靈。  
名士傾城皆絕調，漫勞詩句鬪旗亭。

與致  
欲飛

送吳澹寧之吳門

幾年清夢隔蘇臺，記得桃花處處開。  
君去殘紅應未盡，黃鸝聲裏一啣杯。

春思搖搖  
不能自已

午日俞廣淵明府招飲新園觀家劇

絲管華堂酒半醺，石榴花映石榴裙。  
今朝楚俗喧蘭漿，那有湘娥下碧雲。

萬楚五日觀  
妓是此風韻

羅教善

臨思江南歙縣人  
思聞齋詩草

烏啼曲

空城烏晝夜啼啼，向東來又向西。  
網羅在道不得食，風雨破巢不得棲。  
晝亦聽烏啼，夜亦聽烏啼。  
空城烏晝夜啼啼。

蘇音  
促節

哀緊動人古  
樂府之遺調

辛酉秋金陵畱別葉長文表兄

薄雲歛微雨，暑氣潛推移。  
遊子忽思返，扁舟待江涯。  
悵別已三秋，此會非所期。  
祇此數日間，情致倍依依。  
疑義未盡析，肝膽却相披。  
君志匪溫飽，致遠自有期。  
余也愧鴛鴦，空羨鵬翼飛。  
潮水日方壯，蒹葭正萋萋。  
心事殊未已，輟棹徒憂思。

魏漢

含蘊有

獨上



白門

二月楊花路送君江上行青山分曙色柔櫓起潮聲愛日娛  
親意看雲薄宦情相思一回首應夢海陵城  
筆情絕妙兼  
太白摩詰之  
長

宿惠山下

巖巒雖未陟幽意已先通一盞惠泉酒數聲山寺鐘月懸林  
樹杪雲冷澗流中且用消今夕朝來曳短筇  
想爾時風情  
定是澹宕

隋隄柳下聞鶯

揚州三月路芳草又萋萋幾樹前朝柳數聲黃鳥啼傷心隋  
苑廢舊事夕陽低現曉誰傾耳笙歌鬧竹西  
風流悽惋如  
見江左俊人  
回舟丹陽道中遇家景有叔相呼不值

共有闔門約先期訪故宮常依虎阜月盼絕廣陵鴻帆弭斜  
陽裏人逢岐路中相呼不相值依舊自西東  
舉止從容  
神韻倍老

張立人招集海棠花下同華子千程琰羣叔徽五卽席

限韻

追隨同調抱琴來共向花前笑舉杯春恨銷時憑看劍新詩  
吟處一登臺海棠開遍輕風護燕子歸遲細雨催佳會獨遠  
黃叔度歡呼何地更徘徊  
特遲黃仙  
神清骨秀綺麗處彌  
見超遠所以高人數  
籌

寄懷諸內弟鹿城

歸棹采谿牽袂處分明且暮換年華隋隄綠遍三春柳吳苑  
采床餘好夢怕臨孤鏡長嗟逢



一涯 全以情勝即點 染處皆生風韻

夜過禪堂

同心清夜遊有月何須燭乘興扣柴扉山僧出深竹

好光景出

淨之簡

題画

樹倚荒亭老橋通賣酒家無人過此地空有夕陽斜

塵滓

乃能寫此妙境

月夜舟行

一川明月一帆風越水吳山去路通正是旅懷愁絕處鷓鴣

啼徹百花中

唐絕之最佳者

臨思泛宅浮系石喜客愛吟神味最遠把其近詩風月在抱自是君人僕與晚交愛慕無散

思君恨夜長寂寞空床宿思君恨日短白頭一何速長短空

自知思君無盡期登樓時一望楊柳夾堤垂黃鳥鳴其上啾

啾有餘悲聽之動中懷羅袖春風吹春風忽已換濶別恩情

斷織錦寄遠人遠人隔河漢

意欲追響建安唐人尚所不屑

秋日郊行有感

偶因尋客去騎馬出青門落日啣千樹寒流抱一村田家收

黍稷塲圃散雞豚父老驚心日將軍獵騎繁

安閑結得鄭重

送梅五季赤還宣城

燕臺分手處極目送斜暉心逐馬蹄疾人隨雁影歸迴風吹

客鬢舞雪上征衣莫漫悲行路昭亭好息機

心手調和



在客遊日高雙鶴唳樹老一庭幽  
禪榻晨光冷佛樓此中消歲月白盡老僧頭

送隨義文出塞

君到居庸北應憐一雁回沙平疑地盡山豁訝天開落日重  
關閉秋風萬馬來勉旃從此役莫上望鄉臺

似唐人送  
出塞之作

再送隨義文出塞

兩出居庸塞憐君多苦辛風沙隨去馬雨雪滯行人地潤軍  
民少天寒部落貧須知柔遠意率土盡王臣

塞外景寫  
得極真

自恨

老去憐君入海門何當羽檄滿中原百年命寄龜鼉窟孤容  
魂傷橋柳村悵望官軍垂白髮苦思鄉國立黃昏死生離合

方

擬恂如孺庵江南江都籍歙縣人  
碧山堂近草

懷家純遇兄

江北有鴻雁忽向江南飛江南栖不定又向江北歸交友重  
鮑况復墳與篋憶坐楓林裏言笑把酒卮時對冬嶺松相  
與共析疑片帆江上去晝夜長相思一在山之巔一在海之  
涯呢喃梁上燕薰風向人吹閉門對佳日無心聽子規

醇味

出以澹致是  
性情人

將之吳陵畱別邢上審典三王仔園朱玉笥夏次功

限韻

廿載嚶鳴意氣新滿座淋漓傾



詩韻二集  
七



程